

四庫全書

史部

欽定四庫全書

史部
史通通釋卷十二

詳校官編修臣錢樾

編修臣程嘉謨覆勘

總校官原任中允臣王燕緒

校對官中書臣袁文邵

謄錄監生臣劉國永

欽定四庫全書

史通通釋卷十二

無錫浦起龍撰

外篇

古今正史

第二。舊注總十八條四字按之不合削之

易曰上古結繩以理後世聖人易之以書契儒

疑當作傳蓋指

注經者

云伏犧氏始畫八卦造書契以代結繩之政由

是文籍生焉又曰伏犧神農黃帝之書謂之三墳言大

道也少昊顓頊高辛唐虞之書謂之五典言常道也春

秋傳載楚左史

疑當有倚相二字

能讀三墳五典禮記曰外史

掌三皇五帝之書由斯而言則墳典文義三五史

一作典

策至於春秋之時猶大行於世

已上是原始之文

爰及後古

一作世

其書不傳惟唐虞已降可得言者然自堯而往聖

賢猶述求其一二髣髴存焉而後來諸子廣造奇說

唐造

虞已上之說

其語不經其書非聖故馬遷有言神農已前吾

不知矣班固亦曰顓頊之事未可明也斯則墳典所記

無得而稱者馬釋

此層言荒遠無稽不足證據蓋是撇掠之文

按第一節為正史發端是裝頭體不作正文用。舊本有右說三墳五典一行是以無徵不信之書為史家首項殊與節末文義自相違反矣凡此皆非原有之文今槩削之後倣此

伏羲氏

至

言常道也

並尚書孔安國序文

神農已前

史記貨殖傳老子曰至治之極民各甘其食美其服安其俗至老死不相往來太史

公曰神農以前吾不知已

顓頊之事

漢書司馬遷傳贊曰唐虞以前雖有遺文其語不經故言黃帝顓頊之事未可明也

案

一無案字

堯舜相承已見墳典周監二代各有書籍至孔

子討論其義刪為尚書始自唐堯下終秦穆其言百篇

而各為之序釋

數語提清尚書原本

屬秦為不道坑儒禁學孔子

之末孫曰

一多字

惠壁藏其書漢室龍興旁求儒雅聞故

秦博士伏勝能傳其業詔太常使掌故

一本作固據晁漢書作故

錯受焉時伏生年且百歲言不可曉口授其書纔二十

九篇自是傳其學者有歐陽氏大小夏侯宣帝時復有

河内女子得秦誓一篇獻之與伏生所誦合三十篇行

之於世其篇所載年月不與序相符會又與左傳國語

孟子所引泰誓不同故漢魏諸儒

原注謂馬融鄭玄王肅也

咸疑其

繆

釋一番顯晦

古文尚書者即孔惠之所藏科斗之文字也

魯恭王壞孔子舊宅始得之於壁中博士孔安國以校

伏生所誦增多二十五篇更以隸古字寫之編為四十

六卷司馬遷

遷字舊譌在故字下

屢訪

一作採

其事故多有古說安

國又受詔為之訓傳值武帝末巫蠱事起經籍道息不

獲奏上藏諸私家劉向取校歐陽大小夏侯三家經文

脫誤甚衆至於後漢孔氏之本遂絕其有見於經典者

諸儒皆謂之逸書

原注謂馬融鄭玄杜預也

王肅亦注今文尚書而

大與古文孔傳相類或肅私見其本而獨秘之乎釋又

晉顯晦

晉元帝時豫章

王字

內史梅賾始以孔傳奏上

而缺舜典一篇乃取肅之堯典從慎徽以下分為舜典

以續之自是歐陽大小夏侯家等學馬融鄭玄王肅諸

注廢而古文孔傳獨行列於學官

或作宮非

永為世範齊建

武中吳興人姚方興

孔穎達作方興隋書方字在下

采馬王之義以造

孔傳舜典云於大航

隋書作杭

購得詣闕以獻舉朝集議咸

以為非

原注梁武帝時博士議曰孔叙稱伏生誤合五篇蓋文句相連所以成合舜典必有曰若稽古

伏生雖云昏耄何容

刪

由是遂不見用也按誤合五篇者孔序云伏生以舜典合於堯典益稷合於皋陶謨

盤庚三篇合為一康

王之誥合於顧命也及江陵板蕩其文入北中原學者

得而異之隋學

當作博

士劉炫遂取此一篇列諸本第故

今人所習尚書舜典元出於姚氏者焉

釋至此所述始為定著今本

按第二節述尚書也史通卷首六家冠以尚書春秋

為史家之祖故茲叙列古今正史亦必從二經起元

本節雖次第二實正史之初節也顛末依据節節詳明自此節始

百篇之序

書經傳說班固曰孔子纂書凡百篇而為之序言其作意孔疏此序知孔子作者以

緯文而知也檢此百篇凡有六十三序明居咸有一德立政無逸不序所由同序而別篇者三十三篇通明居等四篇為三十七篇如六十三即百篇也

孔惠壁藏

漢藝文志注師古曰家語云孔騰字子襄畏秦法藏尚書於夫子舊堂中而漢記尹敏傳

云孔鮒所藏二說不同按隋志又不
同云孔子末孫惠藏之史通同隋志

隸古字寫

孔序作隸古定閭若據按隸古定是一行科斗書一行真書孔穎達所謂就古文體從隸定之

存古為可慕隸文為可識也按隸即今之真書

伏生歐陽夏侯河內女

漢儒林傳伏生濟南人也治尚書教濟南張生及歐陽生

歐陽生授兒寬寬授歐陽生子世傳至曾孫高孫地餘由是有歐陽氏學夏侯勝其先夏侯都尉從濟南張生受尚書傳族子始昌始昌傳勝勝傳從兄子建建又事歐陽高由是有大小夏侯之學注伏生名勝隋經籍志河內女子得秦誓一篇獻之

馬遷屢訪

漢儒林傳孔氏有古文尚書孔安國得之安國為諫大夫司馬遷從安國問義故遷

載堯典禹貢洪範微子金縢諸篇多古文說

王肅梅賾

王見尚書家梅見鑒識篇按此節所述內篇中多已散見合取漢書藝文志儒林

傳隋書經籍志并孔安國尚書序孔
穎達舜典疏互證之則其文皆具矣

劉炫

字光伯除太學博士見覈才篇又隋書本傳自為狀云禮詩尚書公羊左傳孔鄭王何等注雖

義有精粗並堪講授著有尚書等經術議百餘卷

當周室微弱諸侯力爭孔子應聘不遇自衛而歸乃與

魯君子左丘明觀書於太史氏因魯史記而

一作誤作

春

秋上遵周公遺制下明將來之法自隱及哀

一有盡字

十二

公行事

釋已上言春秋之經已下言傳

經成以授弟子弟子退而異

言丘明恐失其真故論本事而為傳明夫子不以空

言說經也春秋所貶當世君臣其事實皆形於傳故隱

其書而不宣所以免時難也釋述傳先揭左氏及末世口說流

行故有公羊穀梁鄒夾之傳鄒氏無師夾氏有錄無書

故不顯於世漢興董仲舒公孫弘並治公羊其傳習者

有嚴顏二家之學宣帝即位聞衛太子私好穀梁乃召

名儒蔡千秋蕭望之等大議殿中因置博士釋次及公穀及鄒

夾而就四傳中平帝初立左氏逮於後漢儒者數廷毀

之會博士李封卒遂不復補一作逮一無和帝元興十

一年鄭興父子奏請重立於學官至魏晉其書漸行而

二傳亦廢今所用左氏本即杜預所注者釋後卒專歸左氏

按第三節述春秋也而必牽連傳家者春秋與尚書

不同尚書義具經中春秋事詳傳內故原經者必原

傳其說已著於六家也傳凡五家而舉一左冠四公穀

公穀併四歸兩公穀抽三左公穀剩一左氏則專以左傳為主

中主馬五傳顯晦不以優劣言但以乘除言考古之

體則然尚書春秋傳在六家篇只辨家數在本篇

必求原委一略一詳各適分際。本節又為編年體

立根腳

丘明恐失真

十二諸侯年表孔子西觀周室論史記舊聞興於魯而次春秋七十子之徒口

受其傳指為有所刺譏褒諱挹損之文魯君子左丘明懼弟子人人異端各失其真因具論其語成左氏

春秋

公羊穀梁

何休公羊序疏戴宏序云子夏傳公羊高傳其子平平傳子地地傳子敢敢傳子

壽至漢景帝時壽乃共弟子胡毋子都著於竹帛隋

經籍志子都授嬴公嬴公授孟卿孟卿授眭孟眭孟

授嚴彭祖顏安樂故後漢公羊有嚴氏顏氏之學

范甯穀梁序疏穀梁子名淑字元始一曰赤受經於

子夏為經作傳傳孫卿孫卿傳申公申公
傳蔡千秋漢宣帝好穀梁擢千秋為郎

鄒夾

漢藝文志鄒氏傳十一卷夾氏傳十一卷有
錄無書又春秋述鄒氏無師夾氏未有書

董公孫治公羊

董仲舒見二體篇公孫弘傳家貧牧
豕海上年四十餘乃學春秋雜說漢

儒林傳胡毋生子都治公羊春秋為景帝博士與董
仲舒同業年老歸教於齊公孫弘亦頗受焉又瑕丘
江公受穀梁於魯申公上使與仲舒議不如仲舒而
丞相公孫弘本為公羊學比輯其議卒用董生於是
上尊公羊家詔太子受公
羊春秋由是公羊大興

穀梁蔡蕭議置

按漢書儒林傳沛蔡千秋字少君蕭
望之傳望之字長倩又儒林傳戾太

子受公羊既通復私問穀梁而善之宣帝以問韋賢
夏侯勝皆言宜興穀梁時千秋為郎擢為諫大夫郎

中戶將選郎十人從受積十餘歲皆明習迺召五經名儒太子太傅蕭望之等大議殿中平同議三十餘事多從穀梁由是穀梁之學大盛

李封

後漢儒林傳建武中鄭興陳元傳春秋左氏學韓歆欲為左氏立博士未決陳元上書訟

遂以魏郡李封為博士羣儒蔽固者數廷爭之及封卒光武重違衆議因不復補

鄭興父子

後漢書本傳鄭興字少贛少學公羊春秋晚善左氏傳積精深思將門人從劉歆講

正大義歆使撰條例章句訓詁世言左氏者多祖於興而賈逵自傳其父業故有鄭賈之學子衆字仲師從父受左氏春秋精力於學作春秋難記條例建初六年代鄧彪為大司農受詔作春秋刪十九篇

杜預注

見鑒識篇

又當春秋之世諸侯國自有史故孔子求衆家史記而得百二十國書如楚之書鄭之志魯之春秋魏之紀年

此其可得言者

釋國語雜述諸書為引

左丘明既配經立傳又

撰諸異同號曰外

一作小

傳國語二十一篇斯蓋採書志

等文非唯魯之史記而已

釋國語

楚漢之際有好事者

錄自古帝王公侯卿大夫之世終乎秦末號曰世本十

五篇春秋之後七雄並爭秦并諸侯則有戰國策三十

三篇漢興太中大夫陸賈紀錄時功

一作政

作楚漢春秋

九篇釋

此述春秋已後迄於漢初諸書舊本連下段

按第四節介在二經之後史記之前作上下東峽蓋正史以二經為發原之祖以史記為別子之宗法應分別標舉舊本此節與下一連殊失斷制

百二十國書

見首篇左傳家百國春秋注

左丘明至末

多採班彪傳畧論之文

孝武之世太史公司馬談欲錯綜古今勒成一史其意未就而卒子遷乃述父遺志採左傳國語刪世本戰國

策據楚漢列國

舊本脫國字今照班彪畧論補

時事上自黃帝下訖麟

止

一作誤趾

作十二本紀十表八書三十世家七十列傳凡

百三十篇都謂之史記厥協

一本二字倒置

六經異傳整齊百

家雜言藏諸名山副在京師以俟後聖君子釋

已上正原史記

至宣帝時遷外孫楊惲祖述其書遂宣布焉而十篇未

成有錄而已

原注張晏漢書注云十篇遷歿後亡失此說非也按王本此注作大書

元成

之間

一多會稽二字

褚先生更補其缺作武帝紀三王世家龜

策日者等傳

古本脫等字今本於等傳下有其龜策日者五字

辭多鄙陋非遷

本意也釋

此述書成已後事

晉散騎常侍巴西譙周以遷書周

秦已上或采家人諸子不再據正經於是作古史考二

十五篇皆憑舊典以紕

一作

其繆今則與史記並行於

代焉釋

此述後人糾舉事

按第五節述史記也攷班史藝文志原本七畧未立

史部以太史公書附著春秋之後至隋經籍志繼經

標史史記升居部元遂為定次故須如此列節也

孝武之世至百三十篇

皆班彪傳畧論之文

厥協五句

太史公自序原文

外孫楊惲

漢書楊敞傳敞子惲字子幼以忠任為郎補常侍騎惲母司馬遷女也惲始讀外祖

太史公記頗為春秋以材能稱

十篇未成等句

太史公自序裴注及漢書顏注所引張晏語並同晏語原無鮑策日者複

句張守節別引則有之

譙周六句

譙周見模擬篇其六句之文見晉書司馬彪傳家人諸子彪傳作俗語百家而史通

兩見其語皆作家人當是王臧輩舊本之文譙周原句如此也

史記所書年止漢武太初已

班彪傳作以

後闕而不錄其後

劉向向子歆及諸好事者若馮商衛衡揚雄史岑梁審

肆仁晉馮段肅

班固集作段肅
固本傳作殷肅

金丹馮衍韋融蕭奮劉

恂等相次撰續迄於哀平間猶名史記

釋首原作漢
書緣起

至

建武中司徒掾班彪以為其言鄙俗不足以踵前史又

雄歆褒美偽新

一作偽褒新室又
一本新室作新莽

誤後惑衆不當垂之

後代者也於是採其舊事旁貫異聞作後傳六十五篇

其子固以父所撰未盡一家乃起元高皇終乎王莽十

有二世二百三十年綜其行事上下通洽為漢書紀表

志傳百篇其事未畢會有上書云固私改作史記者有
詔京兆收繫悉錄家書封上固弟超詣闕自陳明帝引
見言固續父所作不敢改易舊書帝意乃解即出固徵
詣校書受詔卒業經二十餘載至章帝建初中乃成釋
此正述
作漢書固後坐竇氏事卒於洛陽獄書頗散亂莫能綜

理其妹曹大家博學能屬文奉詔校叙又選高才郎馬
融等十人從大家受舊作授讀其八表及天文志等猶未

克成多是待詔東觀馬續所作而古今人表尤一無尤字不

類本書

釋此述續補事

始自漢末迄乎陳世為其注解者凡

二十五家至於專門受業遂

一無遂字

與五經相亞釋

此兼及注

家也

已上皆言前漢紀傳體

初漢獻帝以固書文煩難省乃詔侍中

荀悅依左氏傳體

一無體字

刪為漢紀三十篇命秘書給紙筆

經五六

一無六字

年乃就其言簡要亦與紀

舊作本誤

傳並行釋

此另述荀氏編年紀

按第六節述班氏漢書及荀悅漢紀也文雖煩簡不

齊卻是二體並舉舊本但以說漢書三字作標段拈

一放一既於節意不全且使史體偏缺矣內篇之首
云四家久廢二體角立豈忘此提唱耶

太初後闕

二句用彪固本傳原文
章懷注太初武帝年號

劉向等十五人

此十五人並在班史未作之前今按
向歆揚雄自有傳馮商見藝文志史

岑見本集人物篇晉馮段肅見後漢
班固傳馮衍自有傳餘七人未詳

其言鄙俗

并前好事者等句
亦採撮班傳之文

雄歆美新

文選劇秦美新揚子雲撰王莽傳少阿義
和劉歆與博士諸儒曰攝皇帝制禮作樂

茂成天功發得周禮以明因監非聖哲之至
孰能若茲楚元王傳王莽篡位歆為國師

採其舊事

至建初乃成

參用漢書叙傳及范書彪固傳之文

坐竇氏事

固本傳永元初大將軍竇憲出征匈奴以固為中護軍與參議及憲敗固坐免初洛

陽令种兢嘗行固奴干其車騎畏憲不敢發心銜之至是捕繫固死獄中

曹大家

後漢列女傳扶風曹世叔妻者同郡班彪之女也名昭字惠班一名姬博學高才世叔早

卒有節行兄固著漢書未竟和帝詔昭踵成之

馬續所作

後漢書馬援兄子嚴嚴七子唯續知名續字季則博觀羣集九章算術王訓故順

帝時漢書始出多未能通馬融從班昭受讀後詔融兄續繼昭成之

注解二十五家

師古漢書叙例諸家注釋雖見氏名至於爵里頗或難知傳無所存具列

如左按爵里文煩今但以氏名列之荀悅服虔應劭並後漢人伏儼劉德鄭氏李奇皆不著代鄧展文穎張揖蘇林如淳孟康並魏人張晏項昭皆不著代韋昭吳人晉灼劉寶郭璞蔡謨並晉人臣瓚崔浩後魏人其二人不可詳矣又按臣瓚不著姓宋景文筆記以為于瓚而水經注嘗引及之乃薛瓚也見李衍筆記跋

荀悅漢紀

見左傳家又荀本序撮叙表志總為帝紀通比其事例繫年月大畧粗舉凡為三十

卷數十餘萬言省約易習無妨本書有便於用其旨云爾

在漢中興明帝始詔班固與睢陽令陳宗長陵令尹敏

司隸從事孟異

班固傳作異舊本作冀

作世祖本紀并撰功臣及

新市平林公孫述事作列傳載記二十八篇釋歷述後漢書纂

輯層卽是自是以來春秋考紀此句舊本作春秋世三字王本世字下空一字

亦以煥炳而忠臣義士莫之撰勒於是又詔史官謁者

僕射劉珍及諫議大夫李尤或譌作充雜作紀表名臣節士

儒林外戚諸傳起自建武光武元訖乎永初安帝元事業垂

竟而珍尤一作等繼卒復命侍中伏無忌與諫議大夫黃

景作諸王王子功臣恩澤侯表南單于西羌傳地理志

釋第二層至元嘉元年桓帝元復令太中大夫邊韶大軍營

司馬崔實議郎朱穆曹壽雜作孝穆崇二皇

孝穆五字傳寫譌脫

當作獻穆孝崇二皇后

及順烈皇后傳又增外戚傳入安思等后

儒林傳入崔篆諸人實壽又與議郎延篤雜作百官表

順帝功臣孫程郭願及鄭眾蔡倫等傳凡百十有四篇

號曰漢記

釋第三層

熹

舊譌嘉

平中

熹平是靈帝改元

光祿大夫馬

日碑議郎蔡邕楊彪盧植著作東觀接續紀傳之可成

者而邕別作朝會車服二志後坐事徙朔方上書求還

續成十志

本傳作十意

會董卓作亂大駕

此二字一本脫

西遷史臣

廢棄舊文散佚及

一無及字

在許都楊彪頗存注記至於名

賢君子自永

一作本誤

初已下闕續釋

第四層

魏黃初中

文帝元

唯著先賢表故漢

一脫漢字

記殘缺至晉無成釋

自漢訖魏以無成二

字一作泰始中

晉武帝元

秘書丞司馬彪始討論衆書

一作說

今依彪傳

綴其所聞起元

傳作於

光武終於孝獻錄世十二編

年二百通綜上下旁引

傳作貫

庶事為紀志傳凡八十

本依

傳舊作一十三

篇號曰續漢書又散騎常侍華嶠刪定東觀記

為漢後

或作後漢誤

書帝紀十二

或謠作三

皇后紀二典十

十一作典

又以三譜列傳七十譜三

嶠本傳作三譜序傳目錄總九十七或誤

篇其十典竟不成而卒釋

入晉以來彪嶠兩編為第五第六層

自斯已往

已往猶云已上總前而言也舊作後非

作者相繼為編年者四族創紀傳

者五家推其所長華氏居最而遭晉室東徙三惟一存

所存惟三釋此八句總前又一勒按已上所述編年語分之一也少紀傳語多要是二體雙勒也節內四族

五家二句勿滑過

至宋宣城太守范曄乃廣集學徒窮覽舊籍

刪煩補略作後漢書凡十紀十志八十列傳合為百篇

會曄以罪被收其十志亦未成而死釋

紀傳體結到范書止先是

晉東陽太守袁宏抄撮漢氏後書依荀悅體著後漢紀

三十

或誤作十三

篇釋

編年體結到袁紀止

世言漢中興史者唯范袁

一作

二家而已

釋二句專結二書為本節主層束勒

按第七節述後漢諸史也亦紀傳編年二體並述自漢中興下暨劉宋時閱四朝作者尤夥故其敘述源流較他史倍煩

始詔班固至二十八篇

皆本後漢書班固傳之文

春秋考紀

漢書叙傳為春秋考紀表志傳凡百篇師古注春秋考紀謂帝紀也彪固本傳章懷

注謂帝紀考覈時事具四時以立言如春秋之經也
按帝紀通有此稱史通用成語也舊本王本皆譌脫
考失

劉珍李尤

劉珍見覈才篇後漢文苑傳李尤字伯仁
和帝時召詣東觀拜蘭臺令史安帝時為

諫議大夫詔與謁者僕射劉珍等俱撰漢記按珍尤
二人同傳同事郭本誤作李充充在獨行傳無預史
職注乃引傳為
徵不考之甚

伏無忌黃景

後漢伏湛傳湛封不其侯傳爵至玄孫
無忌桓帝元嘉中詔無忌與黃景崔實

等共撰
漢記

邊崔朱曹延

後漢文苑傳邊韶字孝先桓帝時徵拜
太中大夫著作東觀
崔駰傳駰孫實

字子真一名台字元始才美能高名拜議郎與邊韶
延篤著作東觀朱穆見毅才篇曹壽舊注字世
叔即娶班彪女昭者也延篤傳篤字叔堅桓帝以
博士徵拜議郎與朱穆邊韶共著作東觀按五人
著作互見惟曹
壽無共職之文

雜作后傳

後漢皇后紀獻穆曹皇后諱節魏公曹操之中女也魏受禪遣使求璽綬后怒呼使

者入親數讓之以璽抵軒下涕泣橫流曰天不祚爾
孝崇匿皇后諱明蠡吾侯勝妾生桓帝和平元年就
博陵尊為皇后順烈梁皇后諱嬬大將軍商之女后
以德進不敢有驕專之心安思閭皇后元初元年入
掖庭二年立為皇后延平四年帝崩臨朝按後漢
皇后稱紀始自華嶠而范曄因之其先本稱傳也

儒林崔篆

按今范書儒林傳不載崔篆

順帝功臣

及蔡倫傳

按今范書孫程鄭眾蔡倫並在宦者傳唯郭願不收蔡倫即用

樹膚麻頭始造為紙者

馬蔡楊盧

素術傳注決錄注曰馬日碑字翁叔融之族子與楊彪盧植蔡邕典校中書歷位九

卿遂登台輔蔡邕楊彪盧植並見覈才篇諸人著作各互見彪傳注彪與日碑植邕著作東觀植傳植與日碑邕彪補續漢紀邕傳董卓被誅王允收邕日碑馳謂允曰伯喈曠世逸才多識漢事當續成後史為一代大典且忠孝素著所坐無名乎允不聽日碑退而告人曰王公其不長世乎善人國之紀也著作國之典也滅紀廢典其能久乎邕死獄中適作靈紀及十意又補諸列傳四十二篇因李淮之亂湮沒多不存

秘書丞司馬彪 至續漢書

並與晉書司馬彪傳同文按彪字紹統高陽王穆之

長子也泰始中為秘書郎轉丞

散騎常侍 至九十七篇

與晉書華嶠傳所次篇目正同嶠見二體篇又按本傳嶠

以皇后配天作合前史作外戚傳以繼末編非其義也故易為皇后紀以次帝紀又改志為典以有堯典故也而改名漢紀為漢後書奏之詔朝臣會議咸以嶠有實錄之風藏之秘府

范曄

宋書本傳曄字蔚宗彭城王義康冠軍軍叅軍遷尚書郎左遷宣城太守乃刪眾家後漢書為一

家之作後以狂悖誅獄中與甥姪書自序曰吾狂釁覆滅豈復可言常恥作文士文患其事盡於形情急於藻義牽其旨韻移其意常謂情志所託故當以意為主以文傳意此中曲有成理自謂頗識其數云云

十志未成

陳氏書錄志三十卷司馬彪撰梁劉昭補注暉本書未嘗有志也乃借舊志注以補

之其後紀傳孤行而志不顯至本朝乾興初判國子監孫奭始建議合之而不著其為彪書也今攷章懷注所引稱續漢志者文與今志同信其為彪書不疑按唐時范史其補志本與紀傳合行見編次篇又范紀注載宋書謝儼傳云十志託儼復撰暉敗悉蠟以覆車今闕容齋四筆亦及之異說備考

後漢紀

晉文苑傳袁宏字彥伯父勗臨汝令謝尚鎮牛渚引宏參其軍事語見點煩篇後出為東

陽郡撰後漢紀三十卷隋唐志編年類先有張璠撰者前於左傳家見之宏即採撫璠紀為之也宏紀自序史傳之興所以通古今而篤名教也五明之作廣大悉備史遷剖判建立班固源流因藉荀悅經綸足為嘉史今因前代遺事略舉義教所歸末吏區區注疏而已

魏史黃初太和中始命尚書衛覲繆襲草創紀傳累載

不成又命侍中韋誕應璩秘書監

一無監字

王沈大將軍從

事中郎阮籍司徒右長史孫該司隸校尉傅玄等復共

撰

一作

定其後王沈獨就其業勒成魏書四十四卷其書多

為時諱殊非實錄釋

此一段原魏志起本皆魏世所撰者此下本應入蜀志起本而蜀無

史局勅授之書故闕之

吳大帝之季年始命太史令丁孚郎中項

峻撰吳書孚峻

一作峻孚

俱非史才其文不足紀錄至少帝

時更勅韋曜周昭薛瑩梁廣華覈訪求往事相與記述

並作之中曜

一作推

瑩為首當歸命侯時昭廣

一作昭

先亡

曜瑩徙黜史官久闕書遂無聞覈表請召

一無名字

曜瑩續

成前史其後曜獨終其書定為五十五卷

此段原吳志起本亦

吳有國時所撰

至晉受命海內大同著作陳壽乃集三國史

但前

述二國此云三國者據陳所撰書為言也

撰為國志凡六十五篇夏侯湛時

亦著魏書見壽所作便壞已草而罷及壽卒梁州大中

正范頥表言國志明乎得失辭多勸誡有益風化願垂

採錄於是詔下河南尹就家寫其書

此段述陳壽撰志并其書出顯

之先是魏時京兆魚豢私撰魏略事止明帝其後孫盛

撰魏氏春秋王隱撰蜀記張勃撰吳錄異聞錯出其流

最

一作甚

多宋文帝以國志載事

一作紀

傷於簡略乃命中

書郎裴松之兼採衆書補注其闕由是世一無世字言三國

志者以裴注為本馬釋

末段述裴注相輔而行

按第八節述承祚三國志也馬班而後史家之作高

簡無如此書然簡失則略非得西鄉注輔之徵事考

言減趣不少故後段特詳裴作前於補注篇以煩燕

刺之而於此必以注本全之論取嚴文取備也。曲
筆史官二篇深斥蜀無史職之言謂陳壽厚誣其君
相然觀此節蜀志之先獨無撰著又似壽言未必盡
誣意或官局雖存而勅修不預與抑子元尊崇史體回
護武鄉姑為幹全之說歟

衛覲繆襲

魏志衛覲傳覲字伯儒拜侍中與王粲並
典制度受詔典著作又為魏官儀 劉劭

傳

劭同時東海繆襲亦有才學多所述

叙注

文章志曰襲字熙伯辟御史大夫

誕璩沈籍談玄

劉劭傳附光祿大夫京兆韋誕注文
章叙錄曰誕字仲將善屬辭章 王

祭傳附應璩官至侍中注文章叙錄曰璩字休璉善書記齊王即位典著作王沈見叙事篇晉書本傳云與荀顗阮籍共撰魏書阮籍見史官建置篇劉劭傳附陳郡太守任城孫談注文章叙錄曰談字公達年二十為郎中著魏書晉書傅玄傳魏除郎中與東海繆繆施俱以時譽選入著作撰集魏書又見書事篇按繆施或即魏志之繆襲否俟考

吳大帝

至

召瑩續史

大段皆華覈疏文見吳志薛瑩傳其中章曜薛華三人並見史

官篇其丁孚項峻周昭梁廣四人並見覈疏吳志皆無傳

曜終其書

按曜終其書史無明文據裴松之注有稱韋曜吳書者可知終之者曜矣

著作陳

至

寫其書

與陳壽傳同文陳壽見漢書家

夏侯湛

晉書本傳湛字孝若與潘岳友善每行止同與接席市都謂之連璧除散騎常侍著論三

十餘篇別為

一家之言

異聞錯出

按裴松之注所引漢晉間羣書凡百有餘種其錄魏事者則有魚豢魏畧孫盛魏氏

春秋王沈魏書陰澹魏紀荀勗文章叙錄曹曄傳魏武故事褒賞令漢魏春秋典論魏末傳魏名臣奏魏世譜等其錄蜀事者則有王隱蜀記譙周蜀本紀陳壽益都耆舊傳又雜記常璩華陽國志郭沖五事張儼嘿記諸葛集等其錄吳事者則有張勃吳錄吳沖吳歷韋曜吳書虞溥江表傳環氏吳記會稽典錄等其統錄者則有司馬彪續漢書九州春秋謝承後漢書張璠袁宏後漢紀華嶠漢後書孔衍漢魏尚書習鑿齒漢晉春秋獻帝春秋獻帝紀獻帝起居注山陽公載記漢末名士錄先賢行狀英雄記干寶晉紀虞

預晉書王隱晉書陸機晉惠起居注晉陽秋晉諸公
贊陳留耆舊傳徐衆異同評高士傳文士傳列士傳
神仙傳列異傳文章志等又有諸名臣列傳名族世
譜名人集等多不可悉數也所述皆異辭故言異聞
出錯

裴松之補注

見補注篇

晉史洛京時著作郎陸機始撰三祖紀佐著作郎

一脫郎字

束皙又撰十志會中朝喪亂其書不存先是歷陽令陳

郡

一作留

王銓

一誤作銓下同

有著述才每私錄晉事

舊誤作晉書

及

功臣行狀未就而卒子隱博學多聞

郭作文

受父遺業西

都事跡多所詳究過江為著作郎受詔撰晉史為其同

僚虞預所訴

舊作斥誤

坐事免官家貧無資書未遂就乃依

征西將軍庾亮於武昌鎮亮給其紙筆由是獲成凡為

晉書八十九卷咸康六年始詣闕奏上隱雖好述作而

辭拙才鈍其書編次有序者皆銓所修章句混漫者必

隱所作時尚書郎領國史于寶亦撰晉紀自宣迄愍七

帝五十三年凡二十二卷其書簡略直而能婉甚為當

時所稱釋

自首即至此所逮盡西晉而止

晉江左史

一有官字

自鄧粲孫盛

檀道鸞王韶之

王韶之舊在檀道鸞上

已下相次繼作遠則偏記

兩帝近則唯叙八

舊作六誤

朝至宋湘東太守何法盛始撰

晉中興書勒成一家首尾該備釋

此層述東晉書

齊隱士東莞

臧榮緒又集東西二史合成一書釋

此三句述兩書始合

皇家貞

觀中有詔以前後晉

一脫晉字

史十有八家制作雖多未能

盡善乃勅史官更加纂錄採正典與雜

或作舊

說數十餘

部兼引偽史十六國書為紀

一為記

十志二十列傳七十

載記三十并叙例目錄合為百三十二卷自是言晉史

者皆棄其舊本

內有編年體并棄之矣

競從新撰者焉釋歸到唐初重修

晉書遂為行本。自此本定而晉缺編年矣故一體單行

按第九節述唐修晉書也叙舊本詳叙新本簡與後

漢史相類。上起三國下終五季棄編年而行紀傳史體偏缺者五百餘年至宋司馬氏光始有通鑑之作而後史家二體到今兩行墜緒復續厥功偉哉

晉之後宋齊正史外尚有裴吳二編年卒亦失傳

陸機束皙

陸機撰晉紀見隋唐志其書已見本紀篇彼注有存疑之說宜參會束皙見史官篇

撰帝紀
十志

王銓

并隱子

及虞預

並見二體及曲筆篇

私錄晉事

見二體篇王虞注

干寶晉紀

見左傳家按干書是編年體自新晉書行而其書遂廢也

鄧孫檀王

鄧粲見序例篇著元明紀十篇。孫盛見論贊篇著晉陽秋。檀道鸞見序例篇撰

續晉陽秋。王韶之見雜述篇宋書本傳韶之因此私撰之有志尚泰元隆安時事小大悉錄韶之因此私撰晉安帝陽秋既成時人謂宜居史職即除著作佐郎使續後事訖義熙九年

遠兩帝近八朝

按東晉凡十一帝起元明盡安恭鄧粲止撰元明紀是遠兩帝也其後王

韶之續至安帝之義熙而恭帝不入紀是近八朝也

何法盛

宋書無傳隋經籍志晉中興書七十八卷起東晉宋湘東太守何法盛撰按法盛書有掠取

郝紹之說附見雜說中篇

臧榮緒

齊書高逸傳臧榮緒東莞莒人純篤好學括東西晉為一書紀錄志傳百一十卷隱居京

口教授南徐州太祖為揚州徵為主簿不到

貞觀纂錄

舊書房玄齡傳貞觀十八年玄齡與褚遂良受詔重撰晉書於是奏請許敬宗來濟

陸元任劉子翼令狐德棻榮緒李義府薛元超上官儀等八人分功撰錄以臧榮緒晉書為主參考詳洽然史官多文詠之士好採碎事競為綺艷李淳風修天文律歷五行三志最可觀太宗自著宣武二帝陸機王

義之四論於是總題曰御撰凡一百三十卷通志略古者修書成於一家至唐始用衆手晉隋二書是也

晉史十八家

按隋唐二志正史部凡八家其撰人則王隱虞預朱鳳何法盛謝靈運臧榮緒

蕭子雲蕭子顯也編年部凡十一家其撰人則陸機干寶曹嘉之習鑿齒鄧粲張盛劉謙之王韶之徐廣檀道鸞郭季產也據志蓋十九家豈緣習氏書獨主漢斥魏以為異議遂廢不用歟又按雜說篇有曹干孫檀皆不之取之語是就既修後言此云十八家則兼舉之是就勅修之始羅致羣書言

十六國書

詳後第十三節

宋史元嘉中

文帝

著作郎何承天草創紀傳自此以外

悉委奉朝請山謙之補承天殘缺後又命裴松之續成

國史松之尋卒史佐孫冲之表求別自創立為一家之

一無字言孝建初孝武元又勅南臺侍御史蘇寶生或諡山下同

續造諸傳元嘉名臣皆其所撰寶生被誅大明孝武改元六

年又命著作郎徐爰踵成前作爰因何孫山蘇所述勒

為一作一書其臧質魯爽王僧達諸傳又皆孝武自造

而序事多虛難以取信自永光廢帝元已後至禪讓十餘

年中闕而不載釋已上原宋世所撰至齊著作郎沈約更補綴

所遺製成新舊譌作雜史始一脫始字自義熙肇號晉安帝改元終乎

昇明三年

順帝末

為紀十志三十列傳六十合百卷名曰

宋書

釋此

述沈氏宋書已上言紀傳體

永明末其書既行河東裴子

野更刪為宋略二十卷沈約見而歎曰吾所不逮也釋

此述裴略

係編年體

由是世之言宋史者以裴略為上沈書次之

按第十節述劉宋二史也紀傳編年兼舉。江淹有

言修史之難無出於志而世頗疑三國及南北之梁

陳齊周四朝皆無志以為欠事不知實無缺也斷限

篇云宋史上括魏朝隋書仰苞梁代已見其端矣惜

此節不另詳宋史之所該不若後十八節補述隋志之為明備耳及晚明太倉朱明鎬著史糾嘗言蜀魏吳之志入於宋書梁陳齊周之志入於隋書在史法宜改其言可補此節之遺改不改姑勿論而使觀史者恍然悟志體之皆全洵讀古破迷一快語也明鎬字昭芑老布衣見梅村集蔡焯云

何山裴孫蘇

何承天宋書本傳五歲失父母徐博學幼漸義訓儒史該覽除著作佐郎撰國

史。山謙之見徐爰傳。裴松之見補注篇又本傳領國子博士續何承天國史未及撰述。孫沖之見

臧質傳晉秘書監盛曾孫也又見鄧琬傳以附逆敗
誅不及撰史事○蘇寶生亦見徐爰傳又見王僧達
傳云蘇寶生名寶生本寒門有文義之美官至南臺
侍御史江寧令坐知高閹反不啓聞誅按高閹者與沙
門釋曇相誑
為亂者也

徐爰

宋書恩倖傳爰本名瑗字長玉歷治吏勞遷左丞
先是元嘉中使著作郎何承天草創國史世祖

初又使奉朝請山謙之南臺御史蘇寶生踵成之六
年又以爰領著作使終其業爰雖因前作而專為一
家之書爰便辟善事人長於傳
會故委寄尤重前見二體篇

臧魯王諸傳

在宋書列傳第三十四三
十五諸人皆稱兵為亂者

沈裴

沈約見二體篇裴
子野見左傳家

齊史江淹始受詔著述以為史之所難無出於志故先

著十

一作其非

志以見其才沈約復著齊紀二十篇釋

已上原齊

世所撰。此下當有文云

梁天監中太尉錄事蕭子顯啟撰齊史書

成表奏之詔付秘閣起昇明

宋順帝元

之年盡永元

東昏元

之

代

此八句諸本脫簡今據本傳補入

為

此亦補字

紀八志十

一列傳四十合成五十九篇釋

此述子

顯齊書已上述紀傳體

時奉

朝請吳均亦表請撰齊史乞給起居注并羣臣行狀有
詔齊氏故事布在流俗聞見既多可自搜訪也均遂撰

齊春秋三十篇其書稱梁帝為齊明佐命帝惡其實詔燔之然其私本竟能與蕭氏所撰並傳於後此述吳均書係

編年
體

按第十一節述南齊二史也亦紀傳編年兼舉。已上二節攷隋唐志裴吳二書並入編年部而史通內篇之首亦以附左傳家不與沈蕭本同門以此知宋齊兩代亦二體兼舉惜此二書後竟廢亡愚是以歎五百年史體偏缺也

江淹十志

梁書本傳淹字文通起家南齊州從事建元初為建安王記室叅掌詔冊并典國史

鄭樵通志序江淹有言修史之難無出於志誠以志者憲章之所繫非老於典故不能為也按隋志江淹齊紀十三卷亡南史本傳云與司徒左長史檀超共為條例為王儉所駁所撰十三篇竟無次序即指此也其傳末云齊史十志行於世

沈約齊紀

見二體篇又本傳所著齊紀二十卷

蕭子顯啟撰齊史

啟撰諸句見梁書本傳按沈紀蕭書各自為史舊本脫去蕭子顯啟

撰等句遂與沈約混為一書而本文二十篇之下綴有紀八志十一列傳四十合成五十九篇凡十六字如何著解且其後又有與蕭氏所撰並傳之語根從何處來耶蕭傳有明文齊書非逸史其為脫簡灼然

無疑故敢
斗膽補入

吳均齊春秋

見左傳家

梁史武帝時沈約與給事中周興嗣步兵校尉鮑行卿

秘書監謝昊相承撰錄已有百篇值承聖

元帝

淪沒並

從焚蕩廬江何之元沛國劉璠以所聞見究其始末合

撰梁典三十篇而紀傳之書未有其作陳祠部郎中姚

察有志撰勒施功未周

謂加功於前人所未完者

但既當朝務兼知

一作非

國史至於陳亡其書不就釋

此段述功未就

梁史之作其舊本此處

與下段分節未是

陳史初有吳郡顧野王北地傳緯各為撰史

學士其武文二帝紀即顧傳所修太建初

宣帝元

中書郎

陸瓊續撰諸篇事傷煩雜姚察就加刪改粗有條貫及

江東不守持以入關隋文帝嘗索梁陳事跡察具

一作且

以所成每篇續奏而依違往苒竟未絕筆

此段述陳史之作前

功亦未就

兩史皆姚察未竟之業也自隋文帝五句已梁陳合舉矣

皇家貞觀初其子

思廉為著作郎奉詔撰成二史於是憑其舊藁加以新

錄彌歷九載方始畢功定

王本作述

為梁書五十卷陳書三

十六卷今並行世焉

此合述兩史之成成於姚氏父子繼述之功也 二代亦缺編

年書叙二代史事至此猶未了越至北齊周隋三史後另節了之

按第十二節述梁陳二代之史也二史皆前代未成
成於本朝又皆父業未就就於子述故用變例合述
之體看節末一段自明編者不察率意割裂其非元
始分支益信

沈周鮑謝撰錄

沈約屢見又梁書本傳著高祖紀十四卷。周興嗣梁文學傳字思纂為

員外散騎郎佐撰國史選給事中撰史如故唐藝文志周興嗣梁皇帝實錄五卷。鮑行卿梁書無傳唐

志鮑行卿乘與飛龍記二卷
謝吳梁書無傳見前卷第五節

何劉合撰梁典

按陳書何之元周書劉瑤二傳各言撰梁典三十卷隋唐二志亦皆分載

二典而史通以為二人合撰則梁典祇是一書耳足正二志之歧出

陳史顧傳所修

顧野王見前卷第五節傳緯陳書本傳字宜事北地人梁太清末攜母南

奔能丁母憂在兵亂之中居喪禮哀毀骨立世祖召為撰史學士唐志顧野王陳書三卷傳緯陳書三卷

陸瓊續撰

陳書本傳瓊字伯玉有至性從祖襄歎曰此兒必荷門基所謂一不為少領大著作

隋志陳書四十二卷訖宣帝陳吏部尚書陸瓊撰

姚察

并子思廉

姚察見題目篇唐書思廉傳思廉本名簡以字行陳吏部尚書察之子授秦王

府文學王即位改著作郎弘文館學士詔與魏徵共撰梁陳書思廉采謝灵顧野王等諸家言推究綜括為梁陳二家史以卒父業按謝灵隋志作謝昊

十六國史前趙劉聰時領左國史公師或撰高祖本

劉本

紀及功臣傳二十人甚得良史之體凌修譖其訛謗先

帝聰怒而誅之劉曜時平輿子

封號

和苞撰漢

一脫漢字

趙記

十篇事止當年不終曜滅

釋

前趙匈奴劉氏史第一揭過公師或書以和苞所撰

作勒後趙石勒命其臣徐光宗歷傳暢鄭愔等撰上黨國

記起居注趙書其後又令王蘭陳宴程陰徐機等相次

撰述至石虎並令刊削使勒功業不傳其後燕太傅長

史田融宋尚書庫部郎郭仲產北中郎叅軍王度追撰

二

舊無二字

石事集為

舊無為字

鄴都記趙記

一作紀

等書釋

後趙羯種

石氏史第二揭過徐王等書以田融王度等所撰作勒

前燕

慕容廆鮑馬暉

有起居注杜

輔全

疑詮字脫旁

錄以為燕紀後燕

垂寶盛熙

建興元年董統受

詔草創後書著本紀并佐命功臣王公列傳合三十卷

慕容垂稱其叙事富贍足成一家之言但褒述過美有

慙董史之直其後申秀范亨各取前後二燕合成一史

釋前後燕鮮卑慕容氏史第三第四揭南燕有趙郡王

景暉嘗事德超南燕二主名撰二主起居注超亡仕於馮氏

官至中書令仍撰南燕錄六卷釋南燕亦慕容氏史第五揭過起居注以南

燕錄作勒蜀初號曰成後改稱漢李勢散騎常侍常璩撰漢

書十卷後入晉秘閣改為蜀李一脫李字書璩又撰華陽國

志具載李氏興滅釋蜀成實人李氏史第六前涼張駿

十五年命其西曹邊瀏集内外事以付秀才索綏作涼

國春秋五十卷又張重華護軍叅軍劉慶在東苑苑專

修國史二十餘年著涼記十二卷建康太守索暉

一作琿

從事中郎劉昞又各著涼書

前涼安定張氏史第七
所撰人凡四唯此無

勒前秦

符堅

史官初有趙淵車敬梁熙韋譚相繼著述符

堅嘗取而觀之見苟太后幸李威事怒而焚滅其本後

著作郎董誼追錄舊語十不一存及宋武帝入關曾訪

秦國事又命梁州刺史吉翰問諸仇池並無所獲先是

秦秘書郎趙整叅撰國史值秦滅隱於商

一作南

洛山著

書不輟有馮翊車頻助其經費

一作始

整卒翰乃啟頻纂

成其書以元嘉九年起至二十八年方罷定為三卷而

年月失次首尾不倫河東裴景仁又正其訛僻刪為秦

紀十一篇釋

前秦氏人苻氏史第八揭過趙淵後秦

仲扶風馬僧虔河東衛隆景並著秦史及姚氏之滅殘

缺者多泓從弟和都仕魏為左民尚書又追撰秦紀十

卷釋

後秦羌種姚氏史第九揭過馬

夏

赫連

天水趙思

羣北地張淵於真興

元勅勅

承光

元昌

之一無

世並受命著

其國書及統萬

城

之亡多見焚燒

一脫

釋

夏國面奴部

其史無存

西涼李嵩與西秦

乞伏國仁誤衍北燕二字

此下

其史或當代所

書或他邦所錄

此下當補累經轉今並失傳八字

遷釋

西涼狄道李氏第十一西秦鮮卑乞

伏第十二二
國史亦無存

段龜龍記呂氏

後涼宗欽記沮渠氏

北失

名記

舊本宗欽記誤粘禿髮脫去沮渠一家今照史補此六字

禿髮氏

南韓顯宗記

舊行
呂字

馮氏

北燕唯有

舊謠

三者

本有四種其一失名故云三者

可知自餘

不詳誰作釋

後涼氏酋呂光第十三北涼盧水胡沮渠蒙遜第十四南涼托跋禿髮烏孤第十五

北燕信都馮跋第十六四國皆有史而一失名并作一勒。從上所迷皆為崔氏春秋起本也

魏世黃

門侍郎崔鴻乃考覈衆家辨其同異除煩補闕錯綜綱

紀易其國書曰錄主

一譌正

紀曰傳都謂之十六國春秋

鴻始以景明之初

魏世宗宣武元

求諸國逸史逮正

一譌至

始元

年亦宣武元鳩集稽備而

一本有以字一本而作已屬上句

猶闕蜀事不果

成書推求十有五年始於江東購獲乃增其篇目勒為

一百二

此三字舊譌作十

卷鴻歿後永安中

魏莊帝元

其子繕寫奏

上請藏諸秘閣由是偽史宣布大行於時釋

歸到崔書都為一集

始成通行定本

按第十三節述十六國春秋也雖不得並於正史而

巖疆分据地亘川遼戎馬交馳事關江介其書顧可
廢哉顧崔氏書自宋史藝文志馬貴與通考皆已闕
載至明乃有屠喬孫之本賀燦然序之曰晉記流行
崔書放散遷之博考旁稽綴遺搜逸爰訂斯編吁何
其不學也屠果博聞欲起斯廢毋假初名毋襲原數
謹循纂體顯號補亡各於正史載記之餘人見書其
人事見書其事而條疏其下曰某人見某書某事見
某書豈不卓爾大雅功高津逮哉乃計不出此而匿

所自來掩非已有舉一切真書胥變而為贗書愚因是歎書之禍焚棄者猶小竄亂者甚焉冒出者又甚焉明穆神之際是已時則有若豐坊之魯詩世學矯語傳經王某之天祿閣外史倂稱蓄古紛紛仿倣偽種朋興若屠氏者其為冒出猶在陰陽形影間視彼諸家差當末減耳或云杭本漢魏叢書所收十六短錄故是彥鸞之舊是說也余猶疑之

十六國史

史通所記諸零雜短卷當時已多刊落無從蒐引然細尋即中諸所勾勒恰與隋唐

二志歷歷相符按隋志前趙則漢記十卷唐志作十
四卷和苞撰後趙則趙書十卷唐志作二十卷偽燕
太傅長史田融撰又二石傳二卷二石偽事二卷唐
志作六卷晉北中郎叅軍王度撰前燕則燕書二十
卷記慕容儁事偽燕尚書范亨撰南燕則南燕錄六
卷記慕容德事偽燕中書郎王景暉撰蜀成則唐志
有漢之書十卷蜀李書九卷華陽國志十三卷並常
璩撰前涼則隋志有涼書十卷敬煌寶錄十卷唐志
作二十卷並劉景撰唐諱昶劉景即劉昶也前秦則
秦記十一卷宋殿中將軍裴景仁撰杜惠明注後秦
則秦記十卷記姚萇事魏左民尚書姚和都撰夏則
隋唐二志皆無書西涼西秦二志亦無書後涼則二
志皆有涼記十卷記呂光事偽涼著作佐郎段龜龍
撰北涼則二志皆有涼書十卷注云沮渠國史不著
撰人據本文及史當即是宗欽南涼則二志皆有托
跋涼錄十卷撰人缺今作失名北燕則二志皆有燕

志十卷記馮跋事並云魏侍中高閭撰而魏書韓顯宗傳有撰馮志十卷之文與本文合恐即與高閭合作已上十六國史史通人書俱缺者惟夏與西涼西秦也而二志亦此三國無書其餘雖有失名互證皆合於此頗得讀書細意之樂

崔鴻十六國春秋

見探賾篇又魏書本傳子元永安中奏其父書曰臣亡考鴻任屬

記言刊著趙燕秦夏涼蜀等遺載為之贊序先朝之日草構悉了唯有李雄蜀書搜索未獲闕茲一國遲留未成去正光三年購訪始得討論適訖而先臣棄世凡十六國名為春秋一百二卷今繕寫一本敢以仰呈儻或淺陋不回睿賞乞藏秘閣以廣異家附記前秦之姓晉書載記曰蒲洪以其孫堅初生背有草付臣又土之文改姓苻而世說識鑒篇注引車頻秦書曰蒲洪詐稱識文改姓苻言已當王應符命也

聖主背赤色隱起若篆文其說與晉書異恩按車頻言徵符命背篆不言何文而頻即前秦時人則姓當為符宜可信晉書後出草付五字自別有本亦安知非竹付之譌耶世徒以國史為正然頻書幸留片羽孝標亦在唐前詎不足當互證之資耶附記之亦足廣異家也又古本他書說符堅往往從竹雖草頭竹頭古人通寫然義回不相奸也

附錄

按屠氏不著採錄書名難據以為正證要其語決非無本史通此節所列人氏與於史事

者四十二人不與史事者一人今就屠書有者附見之又有別見諸史及本集他篇者亦拈出之

前趙公師或善相人劉淵深相崇敬後官太中大夫為劉聰所誅和苞劉曜時諫營壽陵封平輿子二人史官篇亦見。後趙徐光字季武頓工人石勒記室叅軍遷中書令領秘書監傳暢字世道北地人為大

將軍右司馬愔識朝儀勒罷之作晉諸公叙讚二十
卷公卿故事九卷。南燕王景暉苻秦太史令高魯
之甥也。魯遣暉隨獻王璽於慕容德。留任德。著南燕
錄六卷。蜀成常璩亦作據屠錄。與補注等篇所記
畧同。前涼索綏字士父燉煌人。幼舉孝廉。又舉秀
才。為儒林祭酒。張駿命集閣內外事。付綏著涼春秋
五十卷。劉昞屠錄與點煩篇略同。前秦李威字伯
龍。苟太后之姑子也。威有辟陽之寵。史官載之後苻
堅。見其事。將罪著作郎車敬等已死。乃止。趙整字文
業。一名正年十八為堅著作郎。情度敏達。信佛法。適
跡商洛山。專精經律。後秦姚和都仕至左兵尚書
撰秦紀十卷。記姚萇時事。赫連夏趙逸字思羣。天
水人。仕姚興為勅勅所虜。拜著作郎。張淵不知何處
人。自云嘗仕苻堅。堅敗仕姚興。父子泓滅入夏。為太
史令。北涼宗欽字景若金城人。博綜群言。仕沮渠
蒙遜為中書郎。撰涼記十卷。已上名見屠本者。凡

十五人。又別見者范亨見魏書崔浩傳下節注及之吉翰宋書有傳馮翊池陽人裴景仁見南史及世說注韓顯宗見魏書韓麒麟子也字茂親又散見本集者董統見直書篇劉慶見史官篇餘闕考者俟續

補見

元魏史道武時始令鄧淵著國記唯一脫字為十卷而條

例未成暨乎明元廢而不述神麌二年太武元又詔集諸

文士崔浩浩弟覽高讜舊作問誤鄧穎晁繼一偽維范亨黃輔

等撰國書為三舊脫三字十卷又特命浩總監史任務從實

錄復以中書郎高允散騎侍郎張偉並叅著作續成前史

史字疑行書敘述國事無隱所一無所字惡而刊石寫之以示行

路浩坐此夷三族同作死者百二十八人自是遂廢史

官釋此述魏史初時事至文成帝和平元年始復其職而以高

允典著作修國記允年已九十手目俱衰時有校書郎

一有中字劉模長於緝綴乃令執筆而口占授之如是者五

六歲所成篇卷模有力焉釋此述續修事初國記自鄧崔以

下皆相承作編年體至孝文太和十一年詔秘書丞李

彪著作郎崔光始分為紀傳異科宣武時命邢巒追撰

孝文起居注既而崔光王

舊脫王字

遵業補續下訖孝明之

世溫子昇復修孝莊

一譌式

紀濟陰王暉業撰辨宗室錄

魏史官私

官私謂官本私本

所撰盡於斯矣釋

此述分體撰次等事。已上皆

在魏世

齊天保二年

顯祖元

勅秘書監魏收博採舊聞勒成

一史又命

一作令

刁柔辛元植房延祐睦

一譌睦

仲讓裴昂

之高孝幹等助其編次收所取史官懼相凌忽故刁辛諸子並乏史才唯以髣髴學流憑附得進於是大徵百家譜狀斟酌以成魏書上自道武下終孝靖紀傳與志

凡百三十卷

此正述魏收撰魏書

收諂齊氏於魏室多不平既

黨北朝又厚誣江左性憎勝已喜念舊惡甲門盛德與
之有怨者莫不被以醜言沒其善事遷怒所至毀及高
曾書成始奏詔收於尚書省與諸家論討前後列訴者
百有餘人時尚書令楊遵彥一代貴臣勢傾朝野收撰
其家傳甚美是以深被黨援諸訟史者皆獲重罰或有
一無斃於獄中羣怨謗聲不息孝昭世勅收更加研審
有字然後宣布於外武成

武成孝武弟世祖謚也王本改作書成非

嘗訪諸羣臣

猶云不實又令治改其所變易甚多由是世薄其書號

為穢史

釋此段加一層評論

至隋開皇勅著作郎魏澹與顏之

推辛德源更撰魏書矯正收失澹以西魏為真東魏為

偽故文恭列紀孝靖稱傳合紀傳論例總九十二篇煬

帝以澹書猶未能善又勅左僕射楊素別撰學士潘徽

褚亮歐陽詢等佐之會素薨而止今世稱魏史者猶以

收本為主焉

釋此帶述魏澹書而以世尚收書勒住

按第十四節述後魏書也其初但作編年體其後

專行紀傳書。公最不滿收書故加多一段評泊然亦以托起勅改耳本處勿黏看

鄧淵國記

魏書本傳淵字彥海太祖定中原擢為著作郎詔淵撰國記淵造十餘卷惟次年月

起居行事而已未有體例

崔浩等撰國書

事見直書篇又崔浩傳初太祖詔尚書郎鄧淵著國記未成逮於太宗廢

而不述神麋二年詔集諸文人撰錄浩及弟覽高謙鄧穎晁繼范亨黃輔等共參著作叙成國書三十卷

按鄧穎即鄧淵子

中書郎高允

至模有力焉

事詳魏書高允傳及儒林張偉傳劉模即附允傳中

本文皆撮取傳語也再按允傳浩之被收也允直中書省時恭宗為太子召允留宿翌日命允驂乘至宮門謂曰入當見至尊吾自導卿脫有問但依吾說既入見恭宗曰高允自在臣宮雖與浩同事制由於浩世祖召允曰國書皆崔浩作否允對曰臣與浩同作臣多於浩世祖大怒恭宗曰天威嚴重允迷亂失次耳臣向備問皆云浩作允曰臣謬忝著作今已分死不敢虛妄殿下哀臣乞命耳實不問臣臣無此言世祖曰直哉臨死不移貞臣也宜宥之按允字伯恭年九十八

李崔始為紀傳

李彪傳彪字道固忝著作事自成帝以來浩允編年序錄為春秋之體彪

始奏從遷固之體創為紀傳表志之目焉崔光傳光本名孝伯字長仁高祖賜名拜中書博士轉著作郎與秘書丞李彪參撰國書按光即鴻父也

宣武時至號為穢史

通十五六行以北齊魏收傳對證之事語成具矣其間所稱引

諸人邢巒字洪賓中書侍郎尚書王遵業著作佐郎溫子昇見叙事篇暉業魏濟陰王新成曾孫四人魏書有傳刁柔國子博士辛元植司空司馬房延祐通直常侍睦仲讓不著官秩裴昂之國子博士高孝幹尚書郎六人皆無傳楊遵彥楊偕字北齊本傳尚太原長公主尚書右僕射封開封王

辨宗室錄

魏書宗室傳濟陰王暉業涉子史有志節齊文襄嘗問之對曰數尋伊霍之傳不讀

曹馬之書暉業以時運漸謝不復圖全在晉陽也無所交通撰魏藩王家世號為辨宗室錄四十卷

魏澹顏辛更撰

魏澹見本紀篇又隋書本傳太祖以魏收書褒貶失實平繪中興書事不

倫序詔澹別成魏史澹自道武下及恭帝為十二紀七十八傳別為史論及例一卷并目錄合九十二卷

書甚簡要大矯收繪之失上覽而善之。顏之推北齊本傳字介隋開皇中太子召為學士甚見禮重按顏介共撰魏書之文本傳不載。辛德源隋書本傳字孝基高祖受禪隱於林慮山秘書監牛弘以德源才學奏與著作郎王幼同修國史

楊素別撰

隋書本傳素字處道高祖受禪加上柱國封越國公大業元年改封楚公有集十卷

別撰事
見下

潘渚歐陽

隋文學傳潘渚字伯彥吳人煬帝嗣位詔渚與太常博士褚亮歐陽詢等助越公楊

素撰魏書會素薨而止。褚亮字希明歐陽詢字信本傳入唐書

高齊史天統初

後主
緯元

太常少卿祖孝徵述獻武起居名

曰黃初傳天錄

或謬改
為祿

時中書侍郎陸元規常從文宣

征討著皇帝實錄唯記行師不載他事自武平後

亦後
主元

史官陽休之杜臺卿祖崇儒崔子發等相繼注記釋

述
齊

世撰

逮

一作
迄

於齊滅隋秘書監王劭內史令李德林並

少仕鄴中多識故事王乃憑述起居注廣以異聞造編

年書號曰齊志十有六卷

原注其序云二十卷今
世間傳者唯十六卷焉

李在

齊預修國史創紀傳書二十七卷至開皇初

一有
又字

奉詔

續撰增多齊史三十八篇以

舊作
已

上送官藏之秘府釋

述隋時續撰王志編年
已成李書紀傳未竟

皇家貞觀初勅其子中書舍人

百藥仍其舊錄雜採他書演為五十卷釋至唐初紀今

之言齊史者唯王李二家云釋

高齊史二體並束。此節與後周隋二節事皆

了未

按第十五節述北齊史也當時兼有二體迨後王志

廢矣

祖孝徵

祖珽字也其人淫穢喪恥北齊書本傳後主拜珽尚書左僕射監修國史加特進入文林

館總監撰書按黃初傳天錄是珽所創起居實錄書名以比魏文受禪媚獻武也或誤從傳字截句讀作

去聲遂改錄為祿疑是
年號時實無此元也

陸元規

名見祖
珽傳

陽杜祖崔

陽休之北齊書本傳字子烈齊受禪除散
騎常侍修起居注天統初為光祿卿監國

史○杜臺卿名見隋書李德林傳舊注字少山齊中
書侍郎○祖崇儒舊注珽族弟也武平末通直常侍

崔子發隋經籍志齊紀三
十卷紀後齊事崔子發撰

王幼李德林

王幼齊志即左傳家所引之書按十六
卷唐藝文志作十七卷李德林見探賾

篇

百藥

見本紀篇
李安平注

宇文周史大統年有秘書丞柳虬兼領著作直辭正色

事有可稱釋

周世初著

至隋開皇中秘書監牛弘追撰周紀

十有八篇略叙紀綱仍皆抵忤

王本作抵牾

釋隋時撰

皇家貞

觀初勅秘書丞令狐德棻秘書郎岑文本共加修緝定

為周書五十卷

釋至唐初乃成宇文史但有紀傳無編年

按第十六節述後周書

柳虬

見前卷第八節又周書本傳大統十四年除秘書丞領著作

牛弘

見世家篇

德棻文本

令狐德棻見前卷十節又詳後舊唐書岑文本字景仁擢拜中書舍人時中書侍郎

顏師古免溫彥博奏請復用太宗曰我自舉一人公勿憂也於是

是以文本為中書侍郎專典機密又先與令狐德棻撰周史其史論多出於文本至十年史成

隋史當開皇仁壽時王劼為書八十卷以類相從定其

篇目至於編年紀傳並闕其體煬帝世唯有王胄等所

修大業起居注及江都之禍仍多散逸釋

隋之正史皇本無撰藁

家貞觀初勅中書侍郎顏師古給事中孔穎達共撰成

隋書五十五卷與新撰周書並行於時釋

至唐方經始撰定唐業由

周隋而起故牽連周史東之。舊本此處連下非

按第十七節述隋書也。宇文周史本無編年隋雖有王劭書止錄詔勅等為記言體亦非編年類也故二代皆一書歸束

王劭書

王劭隋書即尚書家所引之書與齊志體例殊科閱者辨之

王胄

隋文學傳王胄字承基大業初為著作佐郎唐藝文志有開皇起居無大業起居散逸故也

師古穎達

舊唐書顏籀傳籀字師古齊黃門郎之推孫也少傳家業武德初為秦王府記室遷

中書舍人令狐傳高祖詔中書舍人顏師古修隋史孔穎達傳穎達字仲達尤明左氏傳鄭氏尚書王

氏易毛詩禮記兼善算歷解屬文太宗即位除國子司業遷太子右庶子仍兼司業與魏徵撰成隋史

初太宗以梁陳及齊周隋氏並未有書乃命學士分修

事具於上

上謂梁陳及齊周隋四節所云

仍使秘書監魏徵總知其務

凡有讚論徵多預焉始以貞觀三年創造至十八年方

就

原注唯姚思廉貞觀二年起功多於諸史一歲

合為

一脫為字

五代紀傳并目錄

凡二百五十二卷書成下於史閣釋

已上統括五代紀傳卷目

唯有

十志斷為三十卷尋擬續奏未有其文又詔左僕射于

志寧太史令李淳風著作郎韋安仁符璽郎李延壽同

撰其先撰史人唯令狐德棻重預其事太宗崩後刊勒
始成其篇第雖編入隋書其實別行俗呼為五代史志

釋

此層另述五代志明隋書之志非專志隋也

按第十八節乃總括五代諸書之詞此五書事垂往
代史定熙朝志入一家典稽五族故另詳之。初閱

舊書職官志貞觀年修五代史五代二字殊鶻突

後晉

唐前唯有南北各四
朝無五代之名也 及開是篇翻檢令狐德棻等傳

乃始爽然蓋其時八史唯南之梁陳北之齊周隋是

唐修故也禪語有云上元即是正月半因自笑平生
經眼不經心處不知凡幾只坐繙書溜滑耳

五代紀傳

舊書令狐德棻傳德棻言於高祖曰近代都無正史梁陳及齊猶有文籍周隋遭大

業離亂多有遺闕當今耳目猶接更十數年後恐堙沒如臣愚見並請修之高祖然其奏詔曰自有魏南徙乘機撫運周隋禪代梁氏稱邦齊遷龜鼎陳建皇宗立言著績無乏於時而簡牘未編炎涼已積朕握圖馭宇方立典謨有懷撰次實資良直云云詔下數年竟不能就貞觀三年太宗勅德棻與岑文本修周史李百藥修齊史姚思廉修梁陳史魏徵修隋史與房玄齡總監德棻入奏引崔仁師佐修周史德棻仍總知類會魏徵傳徵字玄成初令狐德棻等撰諸史徵受詔總加撰定隋書序論皆徵所作按隋書本

孔合撰與十七節并下條注會看乃全又按
宋齊北魏三書前代已成故唐修止於五

五代史志

史通列同修四人新舊書可證合者李淳
風傳則云除太史丞預撰五代史其天文

律歷五行志皆淳風作李延壽傳則云補崇賢館學
士受詔同敬播修五代史志而于志寧傳但云預修
禮修史等功賞賜不言所修何史至韋安仁則無傳
當用史通語證補之陳氏解題隋志高宗時始成上
總梁陳魏周之事俗號五代志按陳
氏即本史通立解也夾漈志略亦然

惟大唐之受命也義寧

隋恭帝元

武德

唐高祖元

間工部尚書溫

大雅首撰創業起居注三篇自是司空房玄齡給事中

許敬宗著作佐郎敬播相次立

一作相與自立

編年體號為實

錄迄乎三帝世有其書釋述本朝國史二體並陳貞觀

初姚思廉始撰紀傳粗成三十卷至顯慶高宗元年太宗改元

尉長孫無忌與于志寧令狐德棻著作郎劉肅之楊仁

卿起居郎顧胤等因其舊作一作書綴以後事復為五十

卷雖云繁雜時有可觀釋已上為紀傳起本龍朔亦高宗元中敬宗

又以太子少師一作卿誤總統史任更增前作混成百卷如

高宗本紀及永徽高宗初元名臣四夷等傳多是其所造又起

草十志未半而終敬宗所作紀傳或曲希時旨或猥飾

一作釋私憾凡有毀譽多非實錄必方諸魏伯起亦猶張

衡之蔡邕焉其後左史李仁實續撰于志寧許敬宗李

義府等傳載言記事見推直筆惜其短歲一作世功業未

終至長壽中武后九年春官侍郎牛鳳及又斷自武德終於

弘道高宗末元撰為唐書百有十卷鳳及以喑聾不才而輒

議一代大典凡所撰錄皆素責私家行狀而世人叙事

謂家狀罕能自遠謂遠於俗一作達非或言皆比興全類詠歌或語

多鄙樸實同文案四語皆謂家狀所叙而總入編次了無釐革其

有出自曾臆申其機杼發言則嗤鄙怪誕叙事則參差

倒錯故閱其篇第豈謂可觀披其章句不識所以既而

悉收姚許諸本繳去之也欲使其書獨行由是皇家舊事殘

缺殆盡釋此此一長段中具三層許飾而誣李直而年促牛冗俗而亂總以推出重撰緣由也長

安中武后十八年余與正諫大夫朱敬則司封郎中徐堅左

拾遺吳兢奉詔更撰唐書勒成八十卷釋此正叙重撰事八十卷是

紀傳神龍中宗元年又與堅一無兢等重修則天實錄堅字

編為三或作二十卷釋此三十卷是編年體夫舊史之壞其亂如繩

錯綜艱難暮月方畢雖言無可擇事多遺恨庶將來削

藁猶有憑焉

釋二體並攝○舊本連下節非

按第十九節述本朝國史而以當職手撰者終之。

須知所云八十卷三十卷者正如王隱之晉書千寶之晉紀山謙之裴松之之宋史草創起本為後來史局之藁底耳非完書也修本既行其書遂佚往代皆然說者乃謂知幾善譏訶鮮撰著不亦冤乎。叙古今正史畢

創業起居注

舊書溫大雅傳大雅字彥和武德元年
陞黃門侍郎撰創業起居注三卷讀書

志紀高祖起義至受隋禪
用師符讖受命典冊事

房許敬等立編年

舊書房玄齡傳房喬字玄齡在秦
府中常典管記貞觀三年代長孫

無忌為尚書左僕射監修國史許敬宗敬播並見上
卷第九節又播傳與許敬宗撰高祖太宗實錄自創
業至貞觀十四年為二十卷後又撰太宗實
錄從貞觀十五年至二十三年為二十卷

姚長孫等撰紀傳

姚思廉新舊本傳闕書撰國史長
孫無忌于志寧令狐德棻三人傳

並渾書監修國史文苑劉肅之傳永徽中累轉著作
郎與令狐德棻著作楊仁卿等撰成國史封陽城縣
男其從孫即知幾也楊仁卿無傳顧脩傳以撰武德
貞觀兩朝國史八十卷成加朝散大夫按唐二書凡

書國史或統言或專以紀傳言或竟闕
書史通比等處可當史補亦可當史注

猶張衡之蔡邕

商芸小說張衡死日蔡邕母始孕二
人才貌相類人云邕是張衡後身按

史通是語蓋反辭以況也後漢靈帝嘗問侍中楊奇
曰朕何如桓帝奇對曰陛下之於桓帝亦猶虞舜比

德唐堯語
意正相似

李仁實

見上卷
第九節

牛鳳及

無傳與前卷
第九節參看

朱敬則徐堅吳兢

三人並見自叙篇此云撰唐書八
十卷則天實錄三十卷可作知幾

本傳參補按崇文總目吳兢撰唐史自創業迄開元
凡一百一十卷韋述因其本更加筆削云云此正與

八十三十之數相合但總目統云一百十卷不分
紀傳編年又專屬之吳兢皆可與此處本文叅證

大抵自古史臣撰錄其梗槩如此蓋屬詞比事以月繫
年為史氏之根本作生人之耳目者略盡於斯矣自餘


偏一作譌
作編

記小說則不暇具而論之釋

得此二句繳得
正史二字碧清

按第二十節乃通篇總結。讀此篇須將二體篇處
處印合。史通一書皆議論體獨史官正史二篇屬
叙事體觀其所述自史漢而下悉援序傳原文至梁
陳以還咸舉見聞所接全書談史安可不辨史曹全

史就評安可不綜史部議論叙事相須為用是二篇
者雖外篇之壓卷實內篇之括囊史通正本已盡於
是



史通通釋卷十二

欽定四庫全書

史部
史通通釋卷十三至
六

詳校官編修臣錢 樾

編修臣程嘉謨覆勘

總校官原任中允臣王燕緒

校對官中書臣袁文邵

謄錄監生臣劉國永

欽定四庫全書

史通通釋卷十三

無錫浦起龍撰

外篇

疑古

第三。舊注十一條。或作十二條。今刊去。

蓋古之史氏區分有二焉。一曰記言。二曰記事。而古人

所學以言為首釋。

以記事託記言發端起義。

至若虞夏之典。商周之

誥。仲虺周任之言。史佚臧文之說。

此皆言也。

凡有遊談專對

獻策上書者。莫不引為端緒。歸其的準。

言則世多習知。

其於事

也則不然至

一作乃

若少昊之以鳥名官陶唐之

舊有以字御

龍拜職夏氏之中衰也其盜有后羿寒浞齊邦之始建

也其君有蒲姑伯陵

此皆事也

斯並開國承家異聞奇事而

後世學者罕傳其說唯夫博物君子或粗知其一二事

少僻則聞者希矣

此則記事之史不行而記言之書見重斷可

知矣釋

疑古之疑疑皆在事故以言詳事略領局也

及左氏之為傳也雖義

釋本經而語雜它事遂使兩漢儒者嫉之若讎故二傳

大行

二傳釋言為多

擅名於

一作後

世又孔門之著錄

一作述

也論

語專述言辭家語兼陳事業而自古學徒相授唯稱論

語而已由斯而談並古人輕事重言之明效也釋又以左氏

論語證之然則上起唐堯下終秦穆其書所錄唯有百篇而

書之所載以言為主至於廢興行事萬不記一語其缺

略可勝道哉釋落到尚書記言略事是篇主故令後人有言唐虞以

下帝王之事未易明也釋篇局至此載其意總為諱惡伏根案論語曰

君子成人之美不成人之惡又曰成事不說原注事已成不復可

說解遂事不諫原注事已遂諫上既往不咎原注事已往又曰

說不可復追咎又曰

民可使由之不可使知之

原注由用也可用而不可使知者百姓日用而不能知自

此引經四處注皆全寓先儒所釋也

夫聖人立教其言若是釋

引經為諱惡發端

在於史籍其義亦然是以美者因其美而

一作美之雖

有其惡不加

一作之下

毀也惡者因其惡而惡之雖有其

美不加譽也故孟子曰堯舜不勝其美桀紂不勝其惡

魏文帝曰舜禹之事吾知之矣漢景帝曰言

舊脫言字學者

無

一作不

言湯武受命不為愚斯並震賢精鑑已有先覺

而拘於禮法限以師訓雖口不能言而心知其不可者

蓋亦多矣釋

至此落出略事之故意在諱惡是本序立言之指

又案魯史之有

春秋也外為賢者內為本國事靡洪纖動皆隱諱斯乃周公之格言然何必春秋在於六經亦皆如此故觀夫子之刊書也夏桀讓湯武王斬紂其事甚著而笑夷不

存

原注此事出周書案周書是孔子刪尚書之餘以成其錄也

釋

此五句見疑古大意

觀夫子

之定禮也

定禮即修春秋也以春秋為周禮舊法故云然

隱閔非命惡視不終

而奮筆昌言云魯無篡弑觀夫子之刪詩也凡諸

舊作語誤

國風皆有怨刺在於魯國獨無其章

原注魯多淫僻豈無刺詩蓋夫子刪

去而觀夫子之論語也君娶於吳是謂同姓而司敗發

問對以知禮釋禮三項用斯驗世郭作世人之飾智矜

愚愛憎由己者多矣釋此二句總繳言諸經皆有諱詞

條近古姦雄桓玄司馬等加以古文載事其詞簡約釋

意諸本作聖人者大非該一作缺漏無補遂令後來學者莫究

其源蒙然靡察有如聾瞽今故訐一作其疑事以著於

篇凡有十條列之於後

按此疑古之序也不入條數古字專指尚書其為疑

字解說則託言於古文隱諱通觀十條顯斥古聖罪
無辭矣然讀書尚論其意有可推者敢一雪之。知
幾眼見近古自新莽始禍以及當塗典午南則劉蕭
陳氏北則齊周楊堅累朝踐代類以攘竊之詐僂為
推挹之文雖逮李唐奮戈除暴猶必虛擁代邸粉飾
禪書一則曰宜遵故事再則曰一依前典引經作冊
居然舊章諱誅伐為惡聲掩揖讓而護跡凡資口實
率附陶姚於是古帝前王青天白日氣象塵昏霧塞

五六百年於此矣作者恫焉假號汲墳之荒簡反兵
孔壁之遺編所傷在二姓改玉之交所影皆九錫升
壇之套其意蓋曰古聖且蒙疑謗此事誰容售欺憑
伊借面有辭至竟隱形無地耳其所提防蓋在於此
叵奈知幾者不學無術以文害志恣行橫議妄冀昭
姦何其遠哉不揣樛昧頗推其本意而釋之如左

以鳥名官

見書志篇又竹書紀年少昊登帝位有鳳
凰之瑞或曰名清不居帝位帥鳥師居西

方以鳥紀官按
名清上古人名

御龍拜職

史記夏紀帝孔甲立好方鬼神事天降龍
二有雌雄孔甲不能食陶唐後有劉累學

授龍於秦龍氏以事孔甲孔甲
賜之姓曰御龍氏受豕韋之後

后羿寒浞

兩見左傳又竹書紀年帝太康居斟鄩政
于洛表羿入斟鄩帝仲康七年世子相出

居商正帝相八年寒浞殺羿九年相居于斟灌二十
六年浞使其子澆滅斟灌二十七年伐斟鄩滅之二
十八年弑帝后緡歸于有仍伯靡奔夏世子少康生
在丙寅年乙酉少康奔虞甲辰少康使女艾殺澆乙
巳伯靡殺寒浞
少康歸于夏邑

蒲姑伯陵

左昭二十齊侯至自田晏子侍於遄臺晏
子曰昔奭鳩氏始居此地季荊因之有逢

伯陵因之蒲姑氏因
之而後太公因之

孟子魏文漢景三言

孟子語見風俗通正始篇曰堯舜不勝其美桀紂不勝其惡傳

言失指國景失形魏文語見魏志文紀注前史官篇已引之漢景語見史記儒林轅固生傳曰食肉不食

馬肝不為不知味言學者無言湯武受命不為愚

隱閔非命

左隱十一羽父懼反譖公於桓公而請弑之矣羽父請殺桓公曰吾將授之

月羽父使賊弑公子為氏立桓公閔二初公傅奪卜齋田公不禁秋八月共仲使卜齋賊公子武闕成季

以僖公適邾共仲奔莒乃入立之

惡視不終

前見編次後見感經

蓋虞書之美放勳也云克明俊

或作峻下同

德而陸賈新語

又曰堯舜之人

本作民或作臣誤

比屋可封蓋因堯典成文而

廣造奇說也案春秋傳云高陽高辛二氏各有才子八

人謂之元凱此十六族也世濟其美不隕其名以至於

堯堯不能舉帝鴻氏少昊氏顓頊氏各有不才子謂之

渾沌窮奇檮杌此三族也世濟其凶增其惡名以至於

堯堯不能去緡雲氏亦有不才子天下謂之饕餮以比

此

三族俱稱四凶而堯亦不能去斯則當堯之世小

人君子比肩齊列善惡無分賢愚共貫且

一謬

論語有

云舜舉咎繇不仁者遠是則當咎繇未舉不仁甚多彌
驗堯時羣小在位者矣一脫又安得謂之克明俊德比
屋可封者乎其疑一也

按十疑之中不言嬪代之事者獨此首條耳亦見凡
在盛朝鋪張善治必不免於溢辭為後此諸條作引
也

比屋可封

新語無為篇堯舜之民可比屋而封樂
紂之民可比屋而誅者教化使然也

元凱四凶

見左氏文十八傳文已略具
渾沌之沌左作敦讀如沌

堯典序又云將遜于位讓于

于少

虞舜孔氏注曰堯知

子丹朱不肖故有禪位之志案汲冢瑣語云舜放堯於

平陽而書云

書名

某地

地名

有城以囚堯為號識者憑

斯異說頗以禪授為疑然則觀此二書已足為證者矣

而猶有所未覩也何者據山海經謂放勳之子為帝丹

朱

疑脫堯未傳子句

而列君

君疑名字之謫

於帝者得非舜雖廢堯仍

立堯子俄又奪其帝者乎觀近古

一脫古字

有姦雄奮發自

號勤王或廢父而立其子或黜兄而奉其弟始則示相

推戴終亦成其篡奪求諸歷代徃徃而有必以古方今千載一揆斯則堯之授舜其事難明謂之讓國徒虛語耳其疑二也

按本篇所疑嬪代之事自此條起即提破近古姦雄可以知其意之所寄○嬪局至元明始轉然後偽讓絕直道伸

汲冢瑣語

見春秋家又詳後惑經篇之末

帝丹朱

海內南經蒼梧之山帝舜葬於陽帝丹朱葬於陰

虞書舜典又云五十載陟方乃死注云死蒼梧之野因
葬焉案蒼梧者於楚則川號汨羅在漢則邑稱零桂地
總百越山連五嶺人風嫫_{謂文}劃_身地氣歊瘴雖使百金

之子猶憚經履其途況以萬乘之君而堪巡幸其國且
舜必以精華既竭形神告勞捨茲寶位如釋重負_{一作負重}

何得以垂歿之年更踐不毛之地兼復二妃不從怨曠
生離萬里無依孤魂溘盡讓王高蹈豈其若是者乎歷
觀自古人君廢逐若夏桀放於南巢趙嘉_{當作遷}遷於房

陵周王流彘楚帝徙邲語其艱棘未有如斯之甚者一

者也斯則陟方之死其殆文命之志乎其疑三也

按此條追出文命之志一句志在劉宋之於零陵也

自零陵後禪位之君罕得全者

注云

此謂孔氏安國傳也傳言方道也升道南方巡守死於蒼梧之野而葬焉至蔡傳以陟方作升

遐解而又援竹書帝王之沒曰陟為據或又以漢書注掘土為坑曰方為方字之據若爾則只如竹書

陟已足即綴一方字尚可強通而復綴之以乃死何耶蔡云猶言殂落而死也殂落下添而死二字豈復

成語耶詳味句法畢竟孔傳為正但以大禹謨受終之文印之是時禹攝帝位久矣舜不應更事親巡愚

謂古經此等處當闕疑

趙遷

淮南子趙王遷流於房陵思故鄉作山水之謳趙世家秦既虜遷趙之亡大夫共立嘉為王六

年秦破嘉滅趙

徙郴

項羽本紀諸侯罷戲下各就國項羽使使徙義帝長沙郴縣陰令衡山臨江王擊殺之江中

汲冢書云舜放堯於平陽

帶引此句蒙前條說下

益為啟所誅又

曰太甲殺伊尹文丁

舊謬作王

殺季歷凡此數事語異正經

其書近出世人多不之信也案舜之放堯

舊有文之殺季四字義文

無事別說足驗其情已於

舊衍此字

篇前

舊衍後字

言之詳矣

此條

前後並無文丁殺季之言故知本文句字多羨

夫唯益與伊尹見

一作受

戮並

一無

並字於正書猶無其證推

一作推

而論之如啟之誅益仍可

覆也何者舜廢堯而立丹朱禹黜舜而立商均益手握

機權勢同舜禹而欲因循故事坐膺天祿其事不成自

貽伊咎觀夫近古篡奪桓獨不全禹仍反正若啟之誅

益亦由

猶通

晉之殺玄乎若舜禹相代事業皆成唯益覆

車伏辜夏后亦猶桓效曹馬而獨致元興

晉安帝改元

之禍

者乎其疑四也

按此條直提破桓玄之於晉安意可見已蓋舉稱亂殺身者以為世鑒

益為啟誅

黃補注案竹書紀年啟既立費侯伯益出就國無啟殺益事蓋瑣語中載之

太甲文丁

竹書紀年太甲元年伊尹放太甲于桐乃自立七年王潛出自桐殺伊尹又文丁

十一年周公季歷伐翳徒之戎來獻捷王殺季歷按文丁即太丁沈約注云史記作太丁非又晉書東晉傳引紀年之文亦作文丁也再按本條除領句皆言上段下之事妄人不解文義并不考文丁為何人遂

乃改丁為王耳

桓獨不全

晉安帝紀隆安二年廣州刺史桓玄舉兵反元興二年玄篡位帝蒙塵三年帝幸江

陵五月督護馮遷斬玄
於狎盤洲乘輿反正

湯誓序

舊本誓誤作誥又脫序字

云湯伐桀戰于鳴條又云湯放桀

于南巢唯有慙德而周書殷祝篇稱桀讓湯王位云云

句止穩括周書之文

此則有異於尚書如周書之所說豈非湯既

勝桀力制夏人使桀推讓歸王於己蓋欲比跡堯舜襲

其高名者乎又案墨子云湯以天下讓務光而使人說

曰湯欲加惡名於汝務光遂投清冷之泉而死湯乃即

位無疑然則湯之飾讓偽跡甚多考墨家所言雅與周

書相會

一作合

夫

當有周字

書之作本出尚書孔父截翦浮詞

裁成雅誥

一作語

去其鄙事直云慙德豈非欲滅湯之過

增桀之惡者乎其疑五也

按千古無假征誅但有偽揖讓如此條借影殷祝篇
文必欲掩征誅而傳諸揖讓曹馬輩之態畢獻矣即
劉氏假雜出之書以禡彼輩之魄亦盡態矣彼為膠
柱之解者吾不敢以善讀書許之

殷祝篇

在逸周書第六十六其畧曰湯將放桀士民奔湯國中虛桀請湯曰君有人請致國湯曰

否士民惑吾為王明之士民復致于桀曰何必君更桀南徙不齊民奔湯桀復請湯言國君之有也湯曰否我為君王明之桀徙于魯又曰國君之有也湯不能止桀而復薄三千諸侯曰有道者處之三千諸侯莫敢即位然後湯即天子之位

湯讓務光

按墨子之云莊子亦載之務作替讓王篇湯將伐桀因替光而謀替光曰非吾事也

湯伐桀尅之以讓替光曰吾子何不立乎辭曰吾聞之無道之世不踐其土況尊我乎吾不忍久見也乃負石而自沈於廬水

夫五經立言千載猶仰而求其前後理甚相乖何者稱周之盛也則云三分有二商紂為獨夫語殷之敗也又

云紂有臣億萬人其亡流血漂杵斯則是非無準向背

不同者焉又案武王為泰誓數紂過失亦猶近代之有

呂相為晉絕秦陳琳為袁檄魏

袁亦不直耳曹惡得無罪陳琳句謬引欲

加之罪能無辭乎而後來諸子承其偽說競一作列紂

罪有倍五經故子貢曰桀紂之惡不至是君子惡居下

流班生亦云安有據婦人臨

一作

朝劉向又曰世人有

弑父害君桀紂不至是而天下

當有

惡者必以桀紂為

先此其自古言辛癸之罪將非厚誣者乎其疑六也

按此條非寬失國之荒主也欲甚代興之罪而為之辭也

陳琳檄

文選為袁紹檄豫州善注魏志曰陳孔璋避難冀州袁本初使典文章作此檄

據婦臨朝

漢書成帝宴飲乘輿幄坐畫紂據姐已上指問班伯曰紂至是乎伯對曰書云用婦

之言何有踞肆於朝所謂衆惡歸之不如是之甚也

微子之命篇序

舊脫序字

云殺武庚

序云殺武庚命微子代殷後

案祿父

即商紂之子也屬社稷傾覆家國淪亡父首梟懸母軀

分裂永言怨恥生人

一作死

莫二向使其侯服事周而全

軀保其妻子也仰天俯地何以為生含齒戴髮何以為
貌既而合謀二叔徇節三監雖君親之怨不除而臣子
之誠可見考諸名教生死無慙議一謏議字為
於義二字者苟以
其功業不成便以頑人民為目必如是則有君若夏少
康有臣若伍子胥當作申
包胥向若隕讎雪怨衆敗身滅亦
當隸跡醜徒編名逆黨者邪其疑七也

按此條傷魏晉而下諸末造鮮義旅也寧為高貴鄉
公死莫作常道鄉公生寧為袁粲死莫作褚淵生臣

子之於君父其義一也豈祇為殷頑雪涕而已

武庚祿父

竹書紀年周武王十二年伐殷王親禽受于南單之臺遂分天之明立受子祿父是

為武庚成王元年武庚以殷畔三年王師滅殷殺武庚

申包胥

左定四初伍員與申包胥友其亡也謂申包胥曰我必復楚國申包胥曰子能復之我必

能興之及昭王在隨申包胥如秦乞師立依於庭牆而哭七日秦師乃出王卒復國若作伍胥於本條不

矣切

論語曰大矣周之德也三分天下有其二猶服事殷案

尚書序

儒脫序字

云西伯戡黎殷始咎周

二句序文

夫姬氏爵乃

諸侯而輒行征伐結怨王室殊

一作曾

無媿畏此則春秋

荆蠻之滅諸姬論語季氏之伐顓臾也又案某

書名闕一謫其

書曰朱雀云云

朱雀句當有本文云云字誤

文王受命稱王云云夫

天無二日地惟一人有殷猶存而王號遽立此即春秋

楚及吳越僭號而陵天子也然則戡黎滅崇自同王者

服事之道理不如斯亦猶近者魏司馬文王害權臣黜

少帝坐加九錫行駕六馬及其歿也而荀勗猶謂之人

臣以終蓋姬之事殷當比馬之臣魏必稱周德之大者

不亦虛為其說乎一作其疑八也

按此條亦提破司馬舉昭為例前操後裕等皆比於

一科

九錫六馬

魏三少帝紀甘露五年以司馬丈王封晉公加九錫咸熙二年命晉王建天子旌旗

乘金根車駕六馬位在燕王上

荀勗猶謂人臣

晉書荀勗字公曾晉武受禪拜中書監按諛昭之語本傳不載世說方正

注王隱晉書曰勗性佞媚良史當著佞倖傳蓋其人媚賈耽昏者也是其前諂馬傾曹可知

論語曰太伯可謂至德也已三以天下讓民無得而稱

焉案呂氏春秋

書名恐誤當是吳越春秋

所載云云斯則太王鍾愛

厥孫將立其父太伯年居長嫡地實妨賢向若強顏苟

視懷疑不去大則類衛伋之誅小則同楚建之逐雖欲

勿讓君親其立諸且太王之殂太伯來赴季歷承考遺

命推讓厥昆太伯以形質已殘有辭獲免原夫毀茲玉

體從彼被髮者本以外絕嫌疑內釋

一作懷

猜忌譬雄雞

自斷其尾用獲免於人犧者焉又案春秋晉士蔿見

一脫

見申生之將廢也曰為吳太伯猶有令名斯則太伯申

生事如一體直以出處有異故成敗不同若夫子之論太伯也必美其因病成妍轉禍為福斯則當矣如云可謂至德者無乃謬為其譽乎其疑九也

按此條獨不拈尚書蓋因西伯條而及之也太伯之德三讓之指理學大儒訖無定解知幾一以後世情事揣之詎足與辯夫亦心惻於隱太子之事乎

呂氏春秋

按此句定誤當取其書所謂十二紀八覽六論縱觀之曾無一語及太伯事者試抽

吳越春秋覆之乃過其文今錄於左

所載云云

吳越春秋古公三子長曰太伯次曰仲雍一名虞仲少曰季歷季歷娶妻太任氏

生子昌昌有聖瑞古公曰興王業者其在昌乎太伯仲雍望風知指曰歷者適也知古公欲以國及昌古

公病二人託名採藥於衡山遂之荆蠻斷髮文身為夷狄之服示不可用古公卒太伯仲雍歸赴喪畢還

荆蠻讓國民君而事之自號為句吳古公將卒令季歷讓國於太伯而三讓不受於是季歷蒞政

衛伋

衛世家初宣公愛夫人夷姜生子伋以為太子為太子娶齊女而自取之生子壽子朔伋母死

夫人與朔共讒太子伋公乃使伋於齊而令盜遮界上殺之按事見左桓十六伋左作急子

楚建

左昭十九楚子生太子建王為之聘於秦費無左昭十九楚子生太子建王為之聘於秦費無

無極言於楚子曰建將以方城之外叛王信之使城父司馬奮揚殺太子未至太子建奔宋

雞斷尾

外傳周語賓孟適郊見雄雞自斷其尾問之侍者曰憚其犧也

為吳太伯

晉士為語見左傳閔元年

尚書金縢篇云管蔡流言公將不利于孺子左傳云周

公殺管叔而放

左作蔡

蔡叔夫豈

舊誤其

不愛王室故也

昭元

案尚書君奭篇序云召公為保周公為師相成王為左

右召公不說

皆君奭序之文

斯則旦行不臣之禮挾震主之威

跡居疑似坐招訕謗雖奭以亞聖之德負明允之才目

覩其事猶懷憤懣况彼二叔者才處中人地居下國側

聞異議能不懷猜原其推戈反噬事由誤我一作識而周

公自以不誠

當作咸假用左氏語

遽加顯戮與夫漢代之

一無赦之字

淮南

此下一增明帝二字

寬阜陵一何遠哉斯則周公於友于之

一作其

義薄矣而書

舊作詩

之所述用為美談者何哉其疑

十也

按此亦與上條為類劉之不足與語周公猶其不足語於太伯文王也然為此說者於隱巢之間喋血之變或不能不寓於微辭焉

赦淮南

漢書淮南厲王長高帝少子也孝文即位自目為最親驕蹇數不奉法上寬赦之入朝甚

橫文帝不治歸國益恣及謀反事覺吏雜奏所犯當棄市制曰其赦長死罪廢勿王

寬阜陵

後漢書光武帝子阜陵質王延封淮陽性驕奢有告延作圖讖祝詛事顯宗特加恩徙為

阜陵王延懷怨望復有告延逆謀者肅宗詔曰王前犯大逆有同管蔡先帝屈法王曾莫悔今貶為侯後

幸九江見延以喜以悲復為王

大抵自春秋以前尚書之世其作者述事如此釋

十疑皆在

尚書之世也此三句點出今取其正經雅言理有難曉諸子異說義

或可憑參而會之以相研覈

一作覆

如異於此則無論焉

釋數語夫遠古之書與近古之史非唯繁約不類固作

故亦向背皆殊何者近古之史也言唯詳備事罕甄擇

使夫學者覩一邦之政則善惡相參觀一主之才而賢

愚殆半至於遠古則不然夫其所錄也略舉綱維務存

褒諱尋其終始隱沒者多嘗試言之向使漢魏晉宋之

君生於上代一作三代非堯舜禹湯之主出於中葉俾史官

易地而書各叙時事按其得失固未可量釋加此一層

來纂奪諸代互相推勘之旨大意言遠古諱略猶且異

聞錯出況若後代姦雄縱使上生彼世其諸逆節散見

叢殘又當何如哉

若乃輪扁稱其糟粕孔氏述其傳疑孟子曰

盡信書不如無書武成之

一脫之字

篇吾取其二三簡

一本此下

有而為累文與近古同焉九字詞義未亮一本無此九字

推此而言則遠古之書其

妄甚矣豈比夫王沈之不實沈約之多詐若斯而已矣

一作

釋末段與內篇抑馬揚班同意誠著述家無驚荒遠也

按此十疑後跋也不入條數○此等書怒其非聖無

法而嚴為擯者誼人之辭也會其讀史寄憤而懸為

解者曉人之辭也徒駭其拂經橫議而出我巾箱剩

語與之講是對非則癡人之辭矣浮翳障日日豈隕
明促促焉起而詈罵之傳稱魯人為敏其類是哉

史通通釋卷十三

欽定四庫全書

史通通釋卷十四

無錫浦起龍撰

外篇

申左

第四〇郭本序與文作兩片最合諸本橫分皆非

古之人言春秋三傳者多矣戰國之世其事罕聞當前

漢

當有之初二字

專用公羊宣皇已降穀梁又立於學至武帝

世劉歆始重左氏而竟

一作書

不列學官釋

首原三傳行世獨左氏最

後大抵自古重兩傳而輕左氏者固非一家美左氏而

譏

一作議

兩傳者亦非一族互相攻擊各用

一作自

朋黨

賂

舊作籠賂或作賂籠並訛

紛競是非莫分然則儒者之學苟以專

精為主止

舊作至誤

於治章句通訓釋斯則可矣

一作也

至

一作脫

至於論大體舉宏綱則言罕兼統理無要害故使今古

疑

一作疑

滯莫得而申者焉

次述論者之低昂以引下文

必揚摧而

論之言傳者固當以左氏為首釋

此句揭出本指

但自古學左

氏者

一無者字

談之又不得其情如賈逵撰左氏長義稱在

秦者為劉氏乃漢室所宜推先但取悅當時殊無足採

又案桓譚新論曰左氏傳於經猶衣之表裏而東觀漢

記陳元奏云光武興立左氏而桓譚衛宏並共詆一作毀

訾故中道而廢班固藝文志云丘明與孔子觀魯史記

而作春秋有所貶損事形於傳懼罹時難故隱其書有

為末世口說流行遂有公羊穀梁鄒氏夾氏諸傳而於

固集復有難左氏九條三評等科釋自但自古至此證舉諸家評論紛競

此如夫以一家之言一人之說而參差相背前後不同斯

又或說不足觀也釋繳過評夫解難者以理為本如理

史通通釋

有所闕欲令有識心伏不亦難乎今聊次其所一無疑

列之於後釋

結到申左本旨

按此是總序

吮聒

蜀都賦誼譁鼎沸則吮聒宇宙善注管子曰雜處則其言吮說文曰聒謹言也

左氏長義

隋經籍志春秋左氏長義二十卷後漢侍中賈逵章句又本傳肅宗特好左氏傳詔

逵出左氏大義長於二傳者逵摘出三十事又云五經皆無證圖識明劉氏為堯後者而左氏獨有明文

在秦為劉氏

按左文十三士會自秦歸於晉秦人歸其帑其處者為劉氏漢書高紀贊晉史

蔡墨言陶唐氏既衰其後有劉累學擾龍事孔甲范氏其後也范氏為晉士師奔秦歸晉其處者為劉氏

戰國時獲于魏秦滅魏遷大梁都于
豐由是推之漢承堯運德祚已盛

陳元

後漢本傳元字長孫父欽習左氏春秋元少傳父業為之訓詁建武初議欲立左氏傳元詣闕

上疏曰建立左氏解釋積結天下幸甚下其議諸儒謹譁左氏復廢

蓋左氏之義有三長而二傳之義有五短釋

二句提

案春

秋昭

一有公字

二年韓宣子來聘觀書於太史氏見魯春秋

曰周禮盡在魯矣吾乃今知周公之德與周之所以王

也然

當有則字

春秋之作始自姬旦成於仲尼丘明之傳所

有筆削及發凡例皆得周典

原注杜預釋例云公羊穀梁之論春秋皆因事以起

問因問以辯義義之口者曲以通口無他凡例也左丘明則口周禮以為本諸稱凡以發例者皆周公之舊制者也按此條缺三字諸本皆隨文連下傳孔子教故能或妄填別字今並作方空格後改此

成不刊之書著將來之法其長一也釋

一長据韓宣聘語原本周禮立

說又案哀三年魯司鐸火南宮敬叔命周人出御書下

并收子服景伯命宰人出其時於魯文籍最備丘明既禮書十字文義方足今脫

躬為太史博總羣書至如禱祀紀年之流鄭書晉志之

類凡此諸籍莫不畢覩其傳廣包他國每事皆詳其長

二也釋

二長据魯備文籍史官廣見立說

論語子曰左丘明恥之某亦

恥之夫以同聖之才而膺授經之託加以達者七十弟子三千遠自四方同在一國於是上詢夫子下訪其徒凡所採摭實廣聞見其長三也釋

三長据聖人稱許如

穀梁公羊者生於異國長自後來語地則與魯產

舊誤作史

相違論時則與宣尼不接安得以傳聞之說與親見者

爭先者

一無者字

乎譬猶近世漢之太史晉之著作撰成國

典時號正書

舊誤作言

既而先賢者舊

原注謂楚國先賢傳汝南先賢行狀並部

者舊傳襄陽語林世說競造異端強書他事夫以傳自

委巷而將冊府

恐當用此二字
舊作班馬無涉

抗衡訪諸古老而與同

時

此二字舊作子孫更謬此皆
版本模糊後人妄填之過

並列斯則難矣彼二傳

之方左氏亦奚異於此哉其短一也釋

一短以高赤之
生時地不如左

氏為言按本節正
與三長隱括相對

左氏述臧哀伯諫桓納鼎周內史美

其讜言王子朝告于諸侯閔馬父嘉其

此二字疑是加
之二字之訛

辨說凡如此類其數實多斯蓋當時發言形於翰墨立

名不朽播於他邦而丘明仍其本語就加編次亦猶近

代史記載樂毅李斯之文漢書錄

一脫
錄字

晁錯賈生之筆

尋其實也豈是子長藁

一作筆

削孟堅雌黃所構者哉觀

二傳所載有異於此其錄人言也語乃齟齬

一作齟齬

文皆

璫碎夫如是者何哉蓋彼得史官之簡書此傳流俗之

口說故使隆促各異豐儉不同其短二也

釋二短以二傳載語得

之傳聞不如左氏所載有內史馬父贊評為可徵信

尋左氏載諸大夫詞令行人

應答其文典而美其語博而奧

原注如僖伯諫君觀魚富辰諫王納狄王孫勞

楚而論九鼎季札觀樂而談國風其所援引皆據禮經之類是也

述遠古則委曲如存

原注如鄭子聘魯言少昊以鳥名官季孫行父稱舜舉八元八凱魏絳答晉悼公引虞人之箴子草諷楚靈王

誦祈招之詩其事明白
非是厚誣之類是也

徵近代則循環可覆

原注如呂相絕秦述

兩國世隙聲子班荆稱楚材晉用晉士渥濁諫殺荀林父說文公敗楚於城濮有憂色子服景伯謂吳云楚圍宋易子而食析骸而爨猶無城下之盟祝佗必料其功稱踐土盟晉重耳魯中蔡甲午之類是也

用厚薄指意

一作措思

深淺諒非經營草創出自一時琢磨

潤色獨成一手斯蓋當時國史已有成文丘明但編而次之配經稱傳而行舊作已也如二傳者記言載事失彼

菁華尋源討本取諸胸臆夫自我作故無所準繩故理

甚迂僻言多鄙野比諸左氏不可同年其短三也釋

短三

以二傳載文出自胸臆不如左氏有源有委。已上二節用意略同。歷歷相銜。比前已闕出議論矣。猶未徵事也。舉義案二傳雖以釋經為主。其缺漏不可殫論。如經云

楚子麇卒

此四字舊止一室又誤作麇

而左傳云公子圍所殺

昭及

公穀

舊止作公羊非

作傳重

一作不非

述經文無所發明。依違而已。

其短四也。釋

四短拈出事實以確稽局見為衡見二傳考事之疎略

漢書載成方

遂詐稱戾太子。至於闕下。雋不疑曰。昔衛蒯聵得罪於

先君。將入國。太子輒拒而不納。

與漢書句稍異

春秋是之。遂命

執以屬吏霍光。由是始重儒學。案雋生所引乃公羊正

文如論語冉有曰夫子為衛君乎子貢曰夫子不為也

何則父子爭國梟獍為曹禮法不容名教同嫉而公羊

釋義反以衛輒為賢是違夫子之教失聖人之旨獎進

惡徒疑誤後學其短五也釋

五短拈出義例以後人用公羊決事為說見二傳研

義之不精若以彼三長校茲五短勝負之理

此下有闕文當補曰斷然

可知釋

此四句是繳上語

蓋周禮之故事魯國之遺文夫子因

而修之而以實錄付之丘明用使善惡畢

一作必

彰真偽

盡露向使孔經獨用左傳不作則當代行事安得而詳

者哉蓋語曰仲尼修春秋逆臣賊子懼又曰春秋之義

也欲蓋而彰求名而亡善人勸焉淫人懼焉尋

原本此下有春

秋所書實乖此義而九字肆筆拂經且自害志削之乃無語病

左傳所錄無婉斯言此

則傳之與經其猶一體廢一不可相須而成如謂不然

則何者稱為勸戒者哉

原注杜預釋例曰凡諸侯無加民之惡而稱人以貶皆時之赴

告欲重其罪以加民為辭國史承口以書於策而簡牘之記具存夫子因示虛實故左傳隨實而著本狀以明

其得失也案杜氏此釋實得經傳之情者也

儒者苟譏左氏作傳多叙經外

別事如楚鄭與齊三國之賊弑

一脫弑字

隱桓昭哀

通經後之傳為

言然哀字終屬假借或誤作襄益非

四君之篡逐其外則承告如彼其內

則隱諱如此若無左氏立傳其事無由獲知然設使世

人習春秋而唯取兩傳也則當其時二百四十年行事

茫然闕如俾後來學者兀

一作代

成龔瞽者矣釋

自尋斯義至此

申透三傳之中專當用左之故也局至此截

且當秦漢之世左氏未行遂使

五經雜史百家諸子其言河漢無所遵憑釋

此又是提筆更撫他

書合二傳博勘以相證明總見功高於彼。下分記事記時二證

故其記事也當晉景

行霸公室方強而云屠岸

舊誤作韓氏

攻趙有程嬰杵臼之

事

原注出史記趙世家

魯侯禦宋得雋乘丘而云莊公敗績有馬

驚流矢之禍

按出檀弓原注失今補

楚晉相遇唯在邲役而云二

國交戰置師於兩棠

一謠堂原注出賈誼新書

子罕相國宋睦於

晉而云晉將伐宋覘

舊衍其字

哭於陽門

舊衍介夫乃止四字。原注出禮記

魯師滅項晉止僖公而云項實

舊衍齊字

桓

舊衍所字

滅春秋為

賢者諱

原注出公羊傳

襄年再盟君臣和叶而云諸侯失政

傳作

正大夫皆執國權

原注出穀梁傳釋

已上六項微記事

其記時也蓋秦

繆居春秋之始而云其女為荆平

舊作昭誤

夫人

原注出列女傳

韓

魏處戰國之時而云其君陪楚莊

舊衍王字

葬馬

原注出史記滑稽傳

列子書論尼父而云生在鄭穆公之

一無之年字下同

原注出劉向七

畧按舊作七錄非

扁鵲醫療號公而云時當趙簡子之日

原注出史

記扁鵲傳樂書仕於周子而云以晉文如獵犯顏直言

原注出劉

向新荀息死於奚齊而云觀晉靈作臺累碁申誠

原注出劉

向說釋已上六項微記時。通記事記時二扇扇各六條皆兩兩屬對其中衍字法在必除非任意裁

削也順文讀去自知。論章法此處當先或以先為後著四語隱括記事之清諱與下四句今缺

或以後為先日月顛倒上下翻覆

此四句只隱括記事之清諱可悟上片之

缺古來君子曾無所疑及左傳既行而其失自顯語其

弘益不亦多乎而世之學者猶未之悟所謂忘我大德

日用而不知者焉釋

推左氏為功之博至此繳如二傳之簡約焉能逮此乎。以下總對

二傳作東

然自丘明之後迄于

一作及

魏滅年將千祀其書寢

廢至晉太康年中汲冢獲書全同左氏

原注汲冢所得書尋亦亡逸今

惟紀年瑣語師春在馬案紀年瑣語載春秋時事多與左氏同師春多載春秋時筮者繇辭將左氏相校遂無

一字差舛

故東哲云若使此書出於漢世劉歆不作五原太

守矣於是摯虞東哲引其義以相明王接荀顗

疑當作勗取

其文以相證杜預申以注釋

原注注謂注
解釋謂釋例

干寶藉為師

範

一譌作晉紀。原注事
具干寶晉紀叙例中

由是世稱實錄不復言非其

書漸行物無異議

釋然自丘明至此原
左傳久晦而得顯

故孔子曰吾志

在春秋行在考經於是授春秋於丘明授孝經於曾子

史記云孔子西觀周室論史記舊聞次春秋七十子之

徒口授其傳旨有

或作所

刺譏褒諱之文不可以書見也

魯君子左丘明懼弟子人各異端失其真意故因孔氏

史記具論其語成左氏春秋

史記文在十二諸侯年表
但與集中史公不見左傳

之說不相照顧

夫學者苟能徵此二說以考三傳亦足以定是

非明真偽者矣何必觀汲冢而後信者乎從

一作此而以

言則三傳之優劣見矣釋

末引孔語遷文仍歸到聖人傳授作結

按局內兩層前專後廣所徵年事詳明大致皆與二傳對勘故申左者申左於高赤非申左於聖經也莫誤會○倫莫大於君臣父子禍莫大於子弑臣奪史通此處最喫緊故三國賊君而以疾赴則詰之再三衛輒拒父而以國據則衷之論語是持世大閑○是

書謠句脫文羨字外篇較多如此篇其尤也評家訓
家居然點句罔出疑情幾於沒文理惜字數者可異
哉

司鐸火

哀三年司鐸火火踰公宮桓僖災救火者皆曰顧府南宮敬叔至命周人出御書俟于宮

子服景伯至命宰人出禮書以待命

授經之託

後漢陳元傳議立左氏疏曰丘明至賢親受孔子公羊穀梁傳聞於後世

周内史

桓二年取部大鼎於宋納于太廟非禮也臧哀伯諫云云周内史聞之曰臧孫達其有後

於魯乎君違不忘諫之以德

閔馬父

昭二十二王子朝作亂二十六王子朝奔楚使告於諸侯云云閔馬父聞子朝之文辭曰

文辭以行禮也無禮文辭何為

自我作故

外傳魯語哀姜至公使大夫宗婦覲用幣宗人夏父展曰非故也公曰君作故韋注

言君所作則為故事按此故字所本集中此語屢見有作古者傳譌也於最後句補注之

公穀依違

左昭元經楚子麇卒傳楚公子圍聞王有疾入問疾縊而弑之葬王於郟謂之郟故

公穀經楚子卷卒俱無傳不見弑殺之文故曰依違也二傳注卷音權左傳作麇

成方遂

漢雋不疑傳不疑字曼倩始元五年有一男子乘黃犢車建黃旒衣黃襜褕著黃冒詣北

闕自謂衛太子詔雜識視京兆尹不疑叱收縛曰昔蒯瞶云云廷尉驗治竟得姦詐本姓成方遂居湖

呂卜筮為事有故太子舍人嘗從卜謂曰子狀
似衛太子方遂心利其言即詐自稱坐要斬

雋引公羊

公羊哀二輒者易為者也蒯瞶之子也輒
之義可以立乎曰可不以父命辭王父命

以王父命辭父命是父之行乎子也不以家事辭王
事以王事辭家事是上之行乎下也按其義與夫子
不為必也正
名相違反

其言河漢

莊子逍遙遊吾聞言於接輿吾
驚怖其言猶河漢而無極也

晉霸屠岸

此言國未失霸不應有權臣擅政事也
宣十二晉荀林父帥師及楚戰於邲敗

績歸請死士貞子曰林父社稷之衛也其敗何損晉
侯使復其位杜注言晉景所以不失霸按是歲晉景
公三年也史記趙世家晉景公之三年大夫屠岸
賈不請而擅攻趙氏於下宮殺趙朔滅其族朔妻成

公娣走公宮生男賈聞之索於宮
中不得程嬰公孫杵臼謀匿趙孤

魯雋

馬驚

此言戰方獲雋不應有馬驚敗績事也
莊十齊師宋師次于郎公子偃曰宋師

不整蒙臯比而先犯之公從之大敗宋師於乘丘齊
師乃還又十二傳凡師得雋曰克檀弓魯莊公及

宋人戰于乘丘縣貴父御馬驚敗績
遂死之圍人浴馬有流矢在白肉

遇邲

兩棠

此就邲戰一事而言見書地多訛也
遇邲即前宣十二年晉楚戰事杜注邲

鄭地按今開封府鄭州東有地名邲城是
醒篇昔楚莊王即位自靜三年以講得失宋鄭無道
莊王圍宋伐鄭鄭伯肉袒牽羊奉簪而獻國莊王曰
非利之也弗受乃南與晉人戰於兩棠大克晉人按
地或有兩名者但晉鄭在北乃反云南火之遠矣

睦晉

覘哭

此據弭兵修睦之文見覘伐非情也

令尹子文欲弭諸侯之兵以為名如晉告趙孟韓宣子曰兵民之殘也將或弭之必許之按是時宋子罕方為司城禮檀弓陽門之介夫死司城子罕入而哭之哀晉人之覘宋者反報於晉侯曰民悅殆不可也

滅項

為諱

此則魯滅齊滅之異其文僖十六會

未歸而取項齊人以為討而止公諱也春秋為賢者諱此滅人之國何賢爾君子之惡惡也疾始善善也樂終桓公嘗有繼絕存亡之功故君子為之諱也

再盟

失政

此則繼霸失政之岐其說襄三夏盟于長檣又單頃公及諸侯盟于雞澤陳

成公使袁僑如會諸侯之大夫及陳袁僑盟陳請服也按時則晉悼方繼霸為盟主穀梁傳諸侯盟又大夫相與私盟是大夫張也故雞澤之會諸侯始失正矣大夫執國權

秦穆

荆平

此言一前一後年不相及僖十三晉乞糴於秦十五晉侯與秦伯戰於韓原

文三秦伯伐晉遂霸西戎用孟明也按秦穆見春秋魯僖文之交列女傳伯嬴者秦穆公之女楚平王之夫人昭王之母也昭王時吳入郢王亡吳盡妻其后宮伯嬴持刀曰諸侯外淫者絕卿大夫放士無人宮割妾以死守欲為樂而妾死何益吳王慙遂退舍按秦女即楚平為太子建取而自取者事去秦穆時

逾百年矣

韓魏

楚莊

此言一後一前事不相及按左傳盡魯悼之四年其文云知伯貪而復韓魏

反而喪之是先事究言之文
之樂人也楚莊王有所愛馬死
滑稽傳優孟者故楚

孟曰薄請以人君禮葬之齊趙
陪位於前韓魏
翼衛其後裴駘注楚莊時未有韓魏趙三國

列子

鄭穆

此言列生於尼父後稱鄭穆年非也
哀十六夏四月己丑孔某卒注魯襄公

二十二年至今七十三也列子天瑞篇孔子見榮啓
期行乎郕之野鹿裴帶素鼓琴而歌又有仲尼名篇

蓋其書舉孔子者非一劉向諸子略所按列子定
著八篇皆殺青書列子者鄭人也與鄭繆公同時蓋

有道者也按左傳穆公有疾刈蘭而卒在宣三年又
有十五年始有孔子豈書稱孔子者人反在前乎

號公

簡子

此言號亡於趙簡前活太子事妄也
僖五晉侯復假道於虞以伐號十二月

丙子朔晉滅號春秋諸國興廢說虞號紀不錄俱早
亡扁鵲傳趙簡子疾五日不知人召扁鵲扁鵲入

視病出曰血脉治也居二日半簡子寤其後過號號太子死扁鵲曰臣能生之號君聞之出曰幸而舉之

扁鵲厲鍼砥石以取外三陽五會太子蘇按簡子趙鞅也春秋定哀間人于時號亡久矣

樂書

晉文

此言本國後世之臣誤移前世也成四晉樂書將中軍六年樂書救鄭侵蔡

楚救蔡趙同趙括欲戰請於武子注武子樂書按在晉景年新序雜事晉文公逐廩而失之問於農夫

老古老古曰一不意人君如此也君放不歸人將君之文公恐歸遇樂武子武子曰獵得獸乎曰得善言曰取人之善而棄其身盜也文公還載老古與俱歸按文公景公之祖

荀息

晉靈

此言本國前代之臣誤移後代也僖九晉獻公使荀息傅奚齊及公卒里克

殺奚齊于次又殺公子卓于朝荀息死之文選西征賦注說苑云晉靈公造九層之臺孫息上書求見

曰臣能累十二博基加九雞子其上公曰危哉息曰復有危於此者公即壞九層之臺按孫息即荀息避宣帝諱改孫也又按今本說苑無此條史云知幾子貺著續說苑廣向所遺而刊落怪妄今豈其刊本邪又曾鞏序更有不全之說見雜說下注晉世家靈公獻公曾孫

汲冢書

見春秋家又晉束皙傳太康二年汲冢得竹書數準盜發魏襄王墓或言安釐王為大戎所

十車其紀年十三篇記夏以來至周幽王為大戎所滅以事接之三家分口仍述魏事至安釐王之二十七年蓋魏國之史書大略與春秋皆多相應其中經傳大異則云夏年多殷益千啓位啓殺之太甲殺伊尹文丁殺季歷自周受命至穆王百年非穆王壽百年也幽王既亡有共伯和者攝行天子事非二相共也和也其易經二篇與周易上下經同易繇陰陽卦二篇與周易略同繇辭則異卦下易經一篇似說卦而異

公孫段二篇公孫段與邵涉論易國語三篇言楚晉
事口名三篇似禮記又似爾雅論語師春一篇書左
傳諸卜筮師春似是造書者姓名也瑣語十一篇諸
國卜夢妖怪相書也梁丘藏一篇先叙魏之世數次
言丘藏金王事繳書二篇論弋射法生封一篇帝王
所封大歷二篇鄒子談天類也穆天子傳五篇言周
穆游行四海見帝臺西王母圖詩一篇畫贊之屬也
又雜書十九篇周食田法周書論楚事周穆王美人
盛姬死大凡七十五篇七篇簡書折壞不識名題冢
中又得銅劍一枚長二尺五寸漆書科斗字初發冢
者燒策照取寶物及官收之多燼簡斷札文既殘缺
不復詮次武帝取其書付秘書校綴次第尋考指歸
而以今文寫之暫在著作得
觀竹書隨疑分釋皆有義證

劉歆作五原守

楚元王傳歆以為左丘明親見夫子而公羊穀梁在七十子後傳聞之與

親見詳略不同欲建立左氏春秋哀帝令與五經博士講論博士不肯置對歆移書讓之諸儒皆怨訕歆懼誅求出補吏乃守五原

王接荀顗

晉王接傳接字祖游時秘書丞衛恒考正汲冢書未訖束皙述而成之陳留王庭堅

難之散騎潘岳謂接曰卿足解二子之紛接遂詳其得失摯虞謝衡皆博物多聞咸以為允當又荀勗傳

勗字公曾漢司空爽孫也時得汲冢中古文竹書詔勗撰次之以為中經按荀顗傳中無汲冢書語

志在春秋四句

公羊何序昔者孔子有云吾志在春秋行在孝經疏案孝經鉤命決云孔

子在庶德無所施功無所就志在云云又疏孝經說云孔子曰春秋屬商孝經屬參因學紀聞中庸鄭注

云大經春秋也大本孝經也泥於緯書其說疏矣

史通通釋卷十四